

硃批諭旨

許容奏摺



硃批許容奏摺

雍正三年五月初六日陝西糧鹽道仍帶監察御

史許容謹

奏為奏

聞事竊臣介庸材叨荷

殊恩畀以糧鹽重任臣於本年四月二十七日抵任受

事訖查臣衙門向例每年徵收屯糧米麥豌豆十

萬餘石外官兵不敷糧料十三萬餘石草五百餘

萬束例係西鳳兩府民賦內辦運省城交納道倉

以供支放前任徵收糧石約計每石加耗一斗五

升草每百束加耗二十束頭緒繁多弊端百出幸
賴我

皇上洞悉民艱將官兵不敷糧草照例在布政司衙門
折銀給散不但百姓省辦運之苦卽臣亦易於料

理

皇仁浩蕩官民均沾臣查現在徵收屯糧較往年民屯
並徵減去十分之七當此吏治澄清之時一切餽
儀應行停止第倉內辦事書辦悉係用價僱覓管
倉快役并斗級人夫每日給發口糧一切心紅紙
張筆墨并家伙鋪墊等項俱用現價公買再八旗

都統噶蘭大及章京等官每月到倉關支糧草備
辦酒席各送食物以上共約需銀二千兩再臣署
內幕賓親友束修家人夫役工食並大小家口衣
食薪水約需銀三千兩臣於現在徵收屯糧內每
石酌留加耗七升五合每年約得餘糧七千五百
餘石約值銀五千餘兩可足前項之需照前官每
石減耗七升五合下舒民力上報

君恩臣非矯廉邀譽有負

體恤深仁爲此據實直陳是否允協伏惟

聖裁謹

聖
奏

好勉爲之朕原許爾可成士人物惟勿馳騫虛名懋勉
實行方不有負期望廉隅固爲官箴所首重然不可過
於矯激卽一切出納之際要須周詳酌計若槩行裁減
至臨時束手無策則公務難以辦集矣

雍正三年六月十五日署陝西按察司事糧鹽道
仍帶監察御史臣許容謹

奏爲敬陳愚忱仰祈

睿鑒事竊查川陝爲西南要地且當數年軍興之後守
土各官必得才守兼長實心辦理方能仰副

宸衷查現在文官司道以下州縣以上武官副將以下
遊守以上多係前督臣年羹堯就近題補未經引
見臣仰荷

知遇留心察訪其中不愧職守者絕少而品行不堪阿
諛逢迎者實多如甘肅巡撫胡期恒已經奉

旨革職發往河工河東運司金啓勳又奉

特旨革職拏問富平縣知縣董霑渭南縣知縣朱嘉耀
又經督臣特疏糾叅痛快人心闔省感激他如蘭
州布政司彭振翼四川川東道金德蔚陝西延安
府知府李繼泰河州知州許啓盛咸寧縣知縣朱

硃批諭旨

三

許容

爛三原縣知縣劉子正南鄭縣知縣嚴世傑均屬
年羹堯心腹奉意承顏殘害官民再如陞任糧道
張迺始而違衆獨立繼而揮金迎合串通州縣勾
合舖戶將民屯糧草重價折收三年於茲獲利三
四十萬金通國皆知難逃

聖鑒仰祈

皇上敕下督撫將未經引

見文官廳員以上武官叅遊以上分班給咨赴部引

見其州縣守備以下就近嚴加考核奏請

聖裁再查年羹堯叅劾各官或情罪允當或事有可原

或任意喜怒聽信讒言多非本於至公并請

敕部清查原案調赴引

見則

睿照之下自無遁情普天率土更頌

皇仁於無疆矣緣係一得愚忱未便商之督撫不揣冒

昧繕摺密

奏伏惟

聖鑒謹

奏

如是毫無瞻顧秉公據實入告深爲可嘉凡此皆朕意

硃批諭旨

四

許容

正欲施行之事卽日有旨頒降汝自得知也

同日又

奏爲恭繳

硃批諭旨事臣蒙

皇上天恩調補陝省到任後因糧道一缺爲積弊淵藪

隨時酌辦繕摺奏

聞蒙

恩批發

溫語勸勉跪誦之餘實切惶悚惟有益勵冰兢加意剔

除少盡臣職於萬一耳所有原奉

硃批諭旨理合繕摺恭

繳伏惟

睿鑒謹

奏

汝但勉盡厥職朕自有鑒照

雍正四年正月十一日陝西西安按察司仍兼管

督糧道事臣許容謹

奏爲恭謝

天恩事竊臣於雍正四年正月初六日接到部文奉

旨西安按察司員缺著督糧道許容補授仍兼管督糧

硃批諭旨

五

許容

道事欽此臣隨恭設香案望

闕叩頭拜將感謝下忱具詳督撫繕疏代

題外伏念臣才既疎庸性復愚拙仰邀

皇上特達之知兩任監司復署臬篆今又奉

特旨實授西安按察司兼管糧道

君恩高厚屢蒙不次優遷臣職靖共竊愧寸長未效惟

有益勵冰兢勉圖報稱斷不敢一念涉私致干欺

罔重譴至臣既蒙

聖恩補授臬司臣署日用薪水應取給於臬司養廉其

糧道并現在暫署都司徵糧耗羨臣已詳明督撫

酌留兩倉費用外餘俱存貯以充公項爲此繕摺

恭

謝伏惟

睿鑒謹

奏

覽奏知道了堅守初志毋少改移

雍正四年四月十二日陝西西安按察司仍兼管

督糧道事臣許容謹

奏爲恭繳

硃批叩謝

硃批諭旨

天恩事竊臣一介小臣荷蒙

皇上恩賜摺奏自應小心敬謹庶幾仰答萬一今二月十五日齋摺家人自京回署捧到

硃批諭旨跪誦之下知有影格一紙誤存摺內草率疎忽罪莫可道蒙我

皇上施恩格外

批飭教訓惶悚靡寧感激無地惟有時深愧悔刻自警

惕圖報

高厚殊恩耳所有

硃批理合恭

繳拜陳下悃伏望

聖鑒不勝戰兢惕勵之至謹

奏

竊臣事君盡忠諫諍于云云竊為臣盡忠諫諍之意
服矣道觀汝等漢人尚能如此則我臣民亦當
信古傳和謀已而巳夫忠諫諍之義豈易言者
切切前此出師未平為自來火備其學以十餘年道修
之亦一切平願乎視汝等漢人之前乎汝等雖有敬子
於中或得自出一誠不能端本而惟末是務選事戰兢
亦民何益思之戒之

同日又

奏為請復倉舖以廣

皇仁事竊臣接閱邸鈔見刑部尚書勵廷儀疏請刑部
監內照直省州縣監倉之例將獄神堂東西分別
內外以禁輕重人犯奉

旨飭部議行仰見我

皇上仁德育物慈祥愛民不忍輕罪之人與重囚一例

監禁

天地父母之心誠為亙古所未有也臣查直省州縣向

時原分設監舖自康熙四十五年副都御史周清

原條奏將倉舖拆毀於是州縣止有監獄而無倉
舖矣在周清原拆毀之請原令干連輕罪人犯取
保候審第州縣官每因關係大案質訊之人取保
在外恐有疎失致案情難定遂一并收禁獄中是
本應散羈之人以無倉之故俱受縲紲之苦殊非
仰體

聖天子愛養元元至意臣請直省州縣仍復舊規將監
內空閒房屋另行隔斷分作倉舖如監內無空房
卽於舊時倉舖基地量為修蓋將干連待質輕犯
散羈在內俟案定之日卽行釋放其案已審明答

杖人犯俱卽取保不得濫行羈候庶監倉各別囹圄自漸空虛輕重有分干連不致濫禁於我

皇上惠鮮之仁不無小補也臣職司刑名用敢謬陳管見推廣

皇仁可否採擇伏候

聖裁謹

奏

爾職司提刑此事正乃專責當與督撫臣商行何必奏請於朕

又追變鹽銀一奏殊堪嘉與之至其事甚屬可訝亦復

可笑馬喀忍如此負朕乎揆之於情於理竟不敢以爾奏爲信然也摺留中俟馬樸到部時詳問端的再加訪查然後有旨

雍正四年七月十六日陝西西安按察司兼管河

東巡鹽御史臣許容謹

奏爲恭謝

天恩竝陳下悃事竊臣一介下愚蒙我

皇上不次擢用陞授陝西按察司今又欽承

寵命兼管河東巡鹽御史

聖恩高厚圖報愈難感激微忱於受事之始當卽具疏

聖恩奏

謝外伏思河東鹽法當年羹堯更張之後一切事務
未必合宜臣自當盡心辦理少報
知遇隆恩容臣查明之後再為次第具

奏至臣日用薪水臬司任內有養廉銀五千兩可以
敷用所有鹽臣養廉銀兩當存運庫以充公項理

合先為

奏明伏惟

睿鑒謹

奏

勉為之馬喀當日亦曾有此一奏若將應取者具奏克
公以示廉潔而復效馬喀分外設法巧取則不如公然
留用之為愈也前車之轍可為後鑑莫負朕恩加勉誠
慎為要

同日又

奏為恭繳

硃批諭旨事竊臣於雍正四年四月十二日繕

奏恭繳

硃批諭旨一摺恭繳

硃批叩謝

硃批諭旨

天恩一摺請復倉舖一摺臣家人於五月二十三日捧
齋回署俱蒙

皇上硃批教訓臣跪讀之下實深惶恐伏念臣中州下
士毫無知識屢邀不次之

寵榮皆賴

聖明之特擢今復荷

天語諄切

曷以主敬

誨以端本臣何人斯遭逢

聖主得受

殊恩惟有仰遵

訓旨益勵忠誠凜

天威於咫尺矢勿欺於始終以期仰報

高深於萬一耳所有原奉

硃批諭旨理合繕摺恭

繳伏惟

聖鑒謹

奏

覽奏已悉百凡處切戒恃已凌人聖人云和而不流強
哉矯北方之強君子不居大抵天下事過與不及其失

等耳近日馬喀之奏朕深嘉汝公直范毓積之舉朕殊
怪汝苛刻何則蓋馬喀溺職吏治攸關范毓積一介商
賈徇足重輕況伊乃奉旨委用者並非馬喀私人汝大
誤矣疎忽不審莫此為甚倘更執迷一誤再誤則朕不
汝恕也

雍正五年三月十三日浙江布政使臣許容謹

奏為據實陳明仰祈

睿鑒事竊臣至愚極拙毫無寸長仰蒙

皇上天高地厚之恩授以浙江布政使遵

旨詣闕恭聆

聖訓周詳鏤骨銘心矢竭駑駘之力以圖報稱於本年
正月十九日到任受事兢兢奉職不敢少有懈怠
臣查前任布政使佟吉圖在任兩年經手正項錢
糧頭緒繁多現在逐一清理其已經報銷與現在
庫貯數目大槩無甚差謬查有成造天津戰船建
蓋忠孝節義祠宇二項銀兩尚未銷算臣察訪各
屬不無冒領分肥情弊另行繕摺備細奏
聞至公用項下查自雍正二年起至雍正四年止共收
鹽規捐納外輸馬械耗羨銀二十五萬七千五百
八十餘兩前任布政使傅澤淵任內動用過銀一

千四百三十餘兩王朝恩任內動用過銀二千六百
百兩佟吉圖任內動用過銀二十八萬七千六百
間三十餘兩署司事董永艾任內動用過銀十萬
百七十餘兩俱係詳明督撫准銷有案其餘存庫
銀五萬五千七百四十餘兩查無虧缺再佟吉圖
離任時將伊任內盈餘銀二萬三千兩留庫詳明
預備交盤案內或有應補之處俟出結清楚將此
項留充地方公用經署司董永艾因佟吉圖接授
傅澤淵未完掛兌京餉銀一萬三千四百四十餘
兩部文催解詳奉撫臣批示卽於二萬三千兩內

動補餘存銀九千五百五十餘兩造冊移交到臣
俟查清交代有無歸補再行充公此司庫正雜錢
糧交代之大畧也查鹽務陋規業奉裁革司庫捐
納已經報滿餘存耗羨馬械二項爲地方一切公
事之用臣照舊收支不敢意爲裁減又州縣解司
錢糧每千隨解餉費銀二兩爲添補每月給散八
旗餉銀折耗之需又兌收各屬錢糧每千約有平
餘銀二兩三四錢各屬解司地丁若收至二百萬
兩可收餉費銀四千兩平餘銀五千兩二共約銀
九千兩計一年添補旗餉折耗銀不過一千一二

百兩所有餉費餘剩并平餘銀將及八千兩儘足
供臣衙門一切薪水各項之用再向日陋規凡支
放水脚工程等項銀兩俱每千扣平三四兩不等
臣一槩俱係庫平足發不敢扣剋分釐此外再無
別項陋規臣受

恩深重不敢自欺欺

天伏惟

聖明垂鑒謹

奏

浙江撫司俱屬清苦朕向所稔悉爲此前經批諭撫臣

李衛汝等其共相籌計務得酌中敷用之道切勿矯廉
立異違負朕意未有令汝等枵腹從事之理也

同日又

奏爲奏

聞南米事宜仰祈

聖鑒事竊照浙省各屬徵收南米解省支放滿漢旗營
及織造匠糧本色米一十三萬五千餘石州縣徵
收在倉書役口食有費運交省倉沿途盤壩雇船
有費及收貯省倉書役口食霉黴折耗旗員陋規
種種皆出於耗米前撫臣朱軾核定每石止許收

耗米九升以十升八合爲自縣運省水脚以三升二合爲省倉書役口食其餘四升爲省倉折耗及旗員月規之費各縣因一升八合不敷運脚每多陽奉陰違而省倉層層需索亦復如故是以年來各屬耗米收至加三加四不等臣到任後訪查旣確飭委杭州府知府孫國璽會同湖州府知府唐紹祖從長妥議前定每石九升委不敷用今議九升之外量加二升以六升爲縣倉夫役口食及運省水脚以五升爲省倉夫役口食及霉黴折耗將各衙門一切陋規盡行革除又解省南米均需本

色惟台金二府及紹屬之諸暨縣路遠難以運解向係折收銀兩赴省買米交倉因時價低昂不一官役從中舞弊有折至一兩八九錢二兩一二錢甚至二兩四五錢不等買米之外所有羨餘上下烹分臣以本色旣難運解與其暗折侵肥不如折中定議臣現商撫臣酌定價值立爲成規令各州縣在省買米交倉如年豐米賤盈餘銀兩悉令解貯府庫留補米貴時買價之不足官民兩便庶可遵行再南米一項係本年徵收卽供本年支放且各營本月之米悉係前月預支兼因夏秋停徵借

動存漕供放冬徵南米還漕各屬徵還不足借支
幾無定數總由州縣處分太輕且矚有米借支任
意拖欠佟吉圖在任兩年因循悠忽竝不斟酌變
將此等處傳諭李衛參奏以聞
通以致款項牽混完欠難稽今查倉糧交代頭緒
棼如亂絲臣現在逐一窮源溯流徹底清理而目
前現支兵糧因今春雨水過多又兼積玩之後一
時徵比勢難接濟臣不得已商同撫臣將現買補
漕之米請撥四萬石以備供支第查州縣經徵南
米向係彙入地丁內
奏報一例處分以米一石算銀一兩銀米合算分數

竝非另行議處以致徵南還項之米自康熙五十
七年起至雍正四年止共欠十萬餘石若不嚴定
處分雖添撥備放何益之有臣議嗣後經徵現年
南米之官應照漕白糧例議處以前各年未完另
定處分按完欠之多寡分別勸懲庶積欠可望全
完而現年之米不致仍前拖欠矣以上事宜臣正
在查議間又奉撫臣特飭清釐臣已逐款確議具

皇上
詳應聽撫臣酌
改定處分以懲拖欠
朕以爾議為然蓋李衛素有苛刻
之名故不得為一人少留地步耳具題到日候將嚴旨
屬員亦當體恤但處分太輕無關痛癢拖欠必至

飭改
賞鑒
受
日甚亦非慎重錢糧之意再臣與知府孫國璽均
此人實好朕甚為

皇上知遇隆恩所有司府兩衙門官吏陋弊俱各盡行
剔除至旗員月規將軍鄂密達自京回浙後亦經
員倖鄂密達乃武臣中之優者凡旗
嚴行禁革理合一并奏
也
聞為此繕摺密

奏

覽

同日又
奏為奏

聞事竊查浙省七十七州縣建造忠孝節義祠宇布政

使佟吉圖任內發過四十一縣銀一萬一千九百

三十五兩零署司事按察使董永艾任內發過十

四縣銀三千八百八十三兩零此外尚有三十

州縣已經料估未曾給發臣到任時因各屬開銷

銀太多留心察訪知此項工料上下胥吏串通浮冒

扣分十之二三當卽稟明撫臣并密諭各府確查

稟報如省會之仁錢兩縣各領銀六百六十餘兩

臣查出侵冒實情將該縣經承及衙門承行書

辦拘拏親訊兩縣各侵冒銀二百餘兩續奉撫臣

殊批諭旨

七

許容

查出嘉興海寧海鹽三縣俱有侵拍行鹽奉併究
追直俱發該府嚴查究審其餘領銀各縣竝行府
確查凡有侵扣統行追出歸款印官如有染指卽
詳報撫臣一當即稟即無阻共密商合訊辦查
好
題叅至未領銀二十州縣復行令確估必須核實
無浮方准給發報銷再成造天津大號趕艚船五
隻小號趕艚船五隻隨船舳板船十隻佟吉圖任
內合算共用銀二萬四千九百七十九兩零於上
年六月內完工送往天津用過工料銀兩至今尚
未報銷直查此項船隻趕闈成造遠送天津一切

物料人工往返盤費自與本省拆造戰船不同但
核算各費浮加幾至兩倍其中不無侵冒臣亦稟
明撫臣駁飭嚴加核減并詳叅造冊遲延在案統
俟核確方敢請銷均不肯扶同徇隱致長冒破之
如是 竊也再浙省七十七州縣地方遼濶事務殷繁耳
目豈能周到臣現在具詳督撫嗣後州縣承辦工
料令各府核定價值加具如有浮冒侵蝕查出願
甘認罪分賠印結給發承辦庶幾稍杜弊端合并
恐木 繕摺密

奏伏惟

硃批諭旨

六

許容

聖明睿鑒謹

奏

覽

雍正五年六月十五日浙江觀風整俗使臣許容
謹

奏爲恭謝

天恩仰請

聖訓事竊臣庸材鈍質毫無寸長仰蒙

皇上天高地厚之恩有加無已自任布政使以來涓埃
未報寢食難安復荷

聖恩授爲觀風整俗使責任愈重報稱愈難臣驚聞

新命感戴與悚惕交深伏念浙省風俗澆漓上厓

宸衷特設耑員用資彈壓我

皇上知人善任

命王國棟巡視廉訪宣布

聖主加惠兩浙之德意遂使習染日見湔除浮囂漸歸

醇厚然猶上煩

睿慮恐革面未能革心

特命微臣相繼爲理臣自知才識短淺措施未能允當

惟有仰懇

聖恩鑒臣愚拙

頒示訓旨俾臣凜遵奉行獲免隕越於以上副

皇上委任之隆恩斯得少安於寤寐耳所有應行事宜

容臣悉心體訪另行奏

聞除接印任事日期照例恭疏

題報外爲此繕摺具

奏伏祈

睿鑒謹

奏

王國棟觀風兩浙可謂盡善汝宜事事循倣而行不貪

不徇諛能企及虛己和衷恐有未逮假如膺此任者或
與督撫掣肘或與提鎮不協則非特無益兵民翻嫌地
方上多設一官矣凡通省文武諸臣倘遇有行止乖違
意見參差祇可據實上奏毋得私地使氣立異作威汝
暨王國棟竝經屢承訓誨極當勉力遵奉至若袒護科
日聽受請託稍有干涉脫至敗露朕不以尋常事例處
分也到閩尤須秉公爲之特諭

同日又

皇奏爲備陳浙省民欠流抵之積弊以重錢糧以清交
代事竊照倉庫錢糧各有款項那移墊應卽干處

分我

皇上御極以來各省倉庫俱漸清理獨浙省尚有那墊流抵有名無實之懸項遞相授受輾轉接徵或經數任不能完結遡厥由來皆緣蠹胥滑吏朋比作姦吞糧侵賦始則迫官那移暫副經徵之考成迨經離任交盤遂有民欠之流抵而冊交欠戶盡屬零星按之紙上則累百盈千追之民間則強半無著徒存流抵之名究無徵補之實不但姦胥滑吏愈得施其伎倆而不肖州縣於離任交代時雖本無那虧以有此陋弊可援必搜羅積年各項尾欠

彙冊流交甚至花戶之短封衙役之借支一併開入竟將徵存在庫錢糧侵入彙作爲某項墊用造入交盤積習相沿何所底止臣查浙省從前有已經

奏銷報完各屬那銀墊漕并未完舊欠虛懸有抵銀七萬兩臣布政司任內已詳明督撫通飭各屬現在確查除已完歸款外尚有未完某某項若干作何定議勒追以清懸項併請嗣後交代錢糧遵照定例凡有不係正解正支那移墊應之項悉以虧空報參卽實有民欠可抵亦應於虧空案內審明

著追倘該管知府逼勒交盤許接任官據實揭報
叅處庶陋弊可以永除懸項得以漸清於倉庫錢
糧不無裨益業經撫臣批飭通行遵照在案事關
清理錢糧理合繕摺奏

聞伏祈

聖明睿鑒謹

奏

汝浙藩一任洵屬無忝今觀整通省凡以前經手事務
接任者料理妥協與否皆所應知無謂不在其位而遂
膜外視之一切俱當與撫臣時加稽考而糾正之也

同日又

奏爲奏請

聖裁事竊照雍正元年二年

恩詔內給賞老人老婦布絹米石其中多有浮冒開銷
仰蒙

皇上聖明洞鑒於臣前任布政使奏摺內

硃批令臣究查臣遵卽細加察訪緣給散日久一時未
得其底裏商之撫臣李衛正在通行飭查間接准

部咨奉

旨著各省督撫確查又經通行竝明白開導速令自首

硃批諭旨

三

許容

在案應俟撫臣查明核

題外臣查各省孤貧口糧一項原爲矜恤鰥寡孤獨廢疾者而設是必實在無告窮民照額收養每月口糧印官躬親按名給散不容混冒庶足以敷布皇恩乃浙省各州縣並不實力奉行所有額設錢糧孤貧不能全沾實惠其中詭弊多端莫可究詰如嘉興府屬之嘉秀二縣臣聞每季俱有尅扣府縣均分密諭新任知府閻堯熙確查據稟原係歷來舊弊不知始自何年近海防同知曹秉仁於去年十月署府事至今年正月離任止得過銀一百五十

兩嘉興縣知縣劉德寰於去年四月到任後得過銀一百五十兩秀水縣知縣吳之珽於去年九月到任到任後得過銀二十五兩俱現存在庫備充公用未敢入己等語又處州府縉雲縣因有無徵荒糧卽以拖欠荒糧之人頂充孤貧將孤貧口糧扣抵作收現任知縣戴世祿進京引

見署官不肯接收交代現行該府確查追補尚未覆到臣思此等官員均應叅處但查同知曹秉仁在浙多年居心雖不可問辦事頗有才情知縣戴世祿歷俸最深事亦練達已經撫臣保舉海疆人才實

不易得且均係從前陋弊銀既存庫充公未曾入
己是以未經揭叅第念發政施仁必先無告臣仰
體
皇上軫念窮民之至意已通飭各屬嚴查清釐務期照
額收養實在無告窮民毋許缺額按月實給口糧
毋許尅扣在案臣聞隣近之江省亦有此弊以類
而推大抵皆然臣請
敕下直省督撫通行嚴查如有不肖州縣仍循舊轍漫
不實力奉行卽從重究叅以儆庸劣則天下之窮
民而無告者咸得實被

皇仁嬉遊化日矣是否有當伏惟

睿鑒謹

奏

所奏孤貧一項不但外省爲然卽京師五城久有此弊
朕於元華已曾降旨嚴飭次第經理自當漸及恐瑣屑
弊端尚不止斯已耳

雍正六年正月二十六日浙江觀風整俗使臣許

容謹

奏爲恭繳

御批事竊臣仰荷

硃批諭旨

臣

許容

聖主殊恩畀以浙江觀風整俗重任自知才識短淺不克負荷聞

命之下卽具摺恭請

訓旨嗣於閩省公寓接奉

皇上批回奏摺臣望

闕叩頭開讀敬領

聖訓仰惟

皇上知臣最深遇臣最厚反覆

訓誨加意裁成臣敢不竭盡愚誠以圖報效凡地方事

宜悉與督臣李衛商酌辦理固不敢隨聲附和亦

斷不敢偏執己私至袒護科目聽受請託屢蒙

皇上諄諄開導寧敢自蹈重愆惟有夙夜兢兢時刻檢

點以求仰副我

所所圈數語盡之矣但勉言行相符可耳

皇上教育深恩所有前奉

硃批奏摺固封呈繳伏祈

睿鑒再臣自閩回浙路經所屬地方年歲豐登百姓樂

業人心咸知遷善風俗日漸還淳臣一路接見屬

員及紳衿耆庶宣布

皇恩復加丁寧誠勉無不踴躍歡呼感激惕厲理合一併奏

硃批諭旨

五

許容

聞上慰

聖懷爲此謹

奏

欣悅覽之

雍正六年三月初二日浙江觀風整俗使臣許容

謹

奏爲奏

聞巡歷嘉湖情形事竊臣自閩回浙道經金衢嚴三府
地方見年歲豐登百姓樂業臣一路接見官紳士
庶宣布

聖恩復加誠勉莫不踴躍歡呼感激惕厲業經奏達

聖聰臣開印視事後復將我

皇上加惠兩浙恩膏疊沛徧示通省竝飭各屬敬謹刊

布前後奉到

今之文告卽適人以木鐸徇於路之義但須諄切宣布

上諭務使窮鄉僻壤莫不周知臣於二月初六日出巡

方收典感之效

嘉湖兩府所到之處士農商賈沾濡

聖澤各安本業豪强多事之風蒸然丕變地方頗覺寧

謐營伍亦漸整肅惟解省南糧積弊之後甫經釐

剔各縣徵收猶未能遵照上年酌定每平米一石

實完九斗之議實力奉行督臣屢經禁飭臣復留

心察訪知嘉屬石門縣知縣呂廷鑄桐鄉縣知縣
王輅生湖屬武康縣知縣彭開宗耗米收至加三
以外嘉屬平湖縣知縣楊克慧嘉善縣知縣郅煜
湖屬德清縣知縣朱永齡耗米收至加二以外此
等官員均應叅處第念省倉收放向委杭府去年
新奉部文改歸藩司半年之內正署三易又兼新
司彭維新過於拘謹辦事遲滯解省之米有守候
兩月不能交倉者米船停泊河干水氣潮潤不無
折耗多費各縣浮收尚有可原臣商之督臣李衛
凡事悉應如是平情酌理區處朕嘗有公中私中公
將各員均記大過一次經營書役重懲枷示仍將

之諭但願內外諸臣為私中公而不願為公中私也似
尤甚之石門桐鄉武康三縣浮加之米酌追易穀
此情法兩盡朕所深取者歸入社倉以示儆惕倘不悛改再行嚴叅治罪并
將省倉收放委令候補知府喬世臣代辦以清弊
端臣已於二月二十日回署正在束裝出巡杭府
外屬適督臣李衛定於三月初四日赴嘉興乍浦
海鹽海寧等處查看各項工程面囑暫緩數日俟
衛亦奏聞矣其回署再往巡視理合一併奏

聞伏惟

聖明睿鑒謹

奏

硃批諭旨

臣

許容

覽

同日又

奏為遵

旨保舉事竊臣接到部文欽奉

上諭令內外諸臣各舉所知一人以備

國家之用臣在應舉之列謹就所知以對查原任福

建泉州府知府張無咎向為刑部司官臣在御史

任於三法司會審事件屢經共事知其為人爽直

辦事明白臣上年蒙

皇上命往福建清查倉庫住閩省四月有餘該員於捏

結倉穀案內已叅離任而泉屬百姓愛戴情切訪

聞閩省官員僉云實有幹理之才臣不敢因其已

經緣事瞻顧不舉理合繕摺保

奏伏惟 聖鑒謹

奏

張無咎朕深知其人頗為地方民人愛戴且楊文乾亦

一力保薦但據汝等所審情罪而論實屬有干國憲再

四思維無可恕之道所奏知道了

雍正六年四月二十八日浙江觀風整俗使臣許

容

殊批諭旨

天

許容

容謹六辛四月二十八日滿五贈風聲谷對引
奏為奏

聞事竊臣於督臣李衛查驗工程回省後卽束裝巡視
杭屬之餘杭臨安於潛昌化新城富陽等縣地俱
奏山僻民風淳朴春花茂盛蠶桑亦好黃童白叟莫
不感沐

聖恩歡呼載道臣恭詣各學率領紳衿耆庶望

闕叩頭行禮講讀不舉與合辭謝別

聖諭廣訓復宣布員外官實符與之木里不煩因其

皇仁提撕勸勉務期日新又新以臻王道同感老盛其

或猶安舊習未肯煥改者當卽懲治如餘杭縣文
聖對生夏樑盤踞倉廩慣寫詞狀臨安縣武生高鳴璉

攔河築壩需索商民於潛縣革生盛持刀筆為生

處分殊屬太輕

教唆愚民臣將夏樑咨禡究訊高鳴璉嚴行戒飭

盛持責懲枷號間有一二不法吏胥亦卽拏處至

各縣印官如署餘杭令馬允尚原係調簡之員才

力終覺不及其餘五縣尚未見有人地不相宜之

處臣由昌化赴新城經過嚴州府屬之分水桐廬

兩縣見分水令潘士錦由舉人部選到任未及一

月察其言論舉動似覺不能勝任署桐廬令李弘

汧由餘杭改調久病不愈難以臨民告知督臣聞

見相同業將李弘汧馬允尚先後會疏

好應如題是至潘士錦受事未久且觀後效臣因途中感冒

風寒遂於三月二十八日回署服藥調理半月之

後即便平復四月二十一日復渡江出巡浙東紹

深慰朕懷屬由蕭山而達山陰會稽所過之處二麥豐收百

姓樂業無異浙西三府紹興地方水土清秀人頗

聰明涵濡

聖澤亦皆烝烝向化間有不守本分革面未能革心者

臣訪察之下山陰縣則有革生王書倉會稽縣則

有捐貢袁光坤監生范又新吏員單文鼎地棍賞

日貴賞十四雖非巨惡大愆或出入衙門或包攬

詞訟或武斷鄉曲或窩藏賭博臣俱查拏是交知府

顧濟美核其情事輕重再行分別懲創再各屬保

甲臣仰遵

聖諭不敢責其速效每到一處必飭令印官實力奉行

不得虛應故事亦不得擾累里民至民壯一項臣

技藝既皆生疎諒多頂充之人無缺二字尚不可信以查點額數無缺技藝俱皆生疎嚴加誠飭限三箇

為實月另行考驗再臣三月二十六日在新城縣接到

嘉興府知府閻堯熙稟帖內稱臣三月十七日發

行該府公文內另有訪單一紙因無印信殊標一面查拏一面將原稟發錢塘縣嚴行根究查係織造府拏人卽將原稟發錢塘縣嚴行根究查係織造府舊役龐桂芳包攬僧人勝峯詞訟同民人李仁甫黃爾惟李殿臣湯瑞卿僧人超凡講定銀二百四十兩勾通臣衙門皂隸鄔隆假寫訪拏梟僧壽先見薇及訟師金聚臣等訪單許給送文舖兵李斌銀十兩將臣發行釘封文書從下頭挑開裝入供吐鑿鑿臣思蠹棍害民法難輕縱況臣衙門職司糾查而鄔隆龐桂芳敢於假借作姦情更可惡臣

商之督臣親提將鄔隆重責四十板柳號三箇月龐桂芳李斌各責三十五板柳號兩箇月餘犯分別枷責贓銀照追入官目今時值熱審枷犯例應暫釋第此案事雖未成姑從外結而原情擬罪實難寬宥龐桂芳於四月二十三日據錢塘縣報明病故鄔隆應仍枷示李斌亦未便卽釋其餘各犯此舉過寬矣照例暫行取保候秋涼再行補枷理合一併奏

聞臣受

恩深重圖報維艱惟有恪遵

皇上御筆圈臣奏摺數語時時留心務期言行相符斷

殊批諭旨

臣

許容

皇上諄諄教誨至意爲此繕摺謹

奏

所奏嘉悅覽之但能一無欺隱保爾諸凡處自皆順吉也今命爾往閩察審禪濟布之案其中甚有曲折若非確秉至公而兼濟以精明無由得其實情到彼與朱綱悉心訊鞫不可稍涉瞻顧以及揣度迎合朕第欲得事之真耳別無他意將此諭亦令朱綱知之

雍正七年三月十二日蘭州巡撫臣許容謹

奏爲奏

聞事臣仰蒙 聖訓荷蒙 皇上鑒 命臣到西安將甘肅一切事宜向督 臣岳鍾琪諮詢明白再行赴任 旨於正月二十九日到西安詢據督 臣岳鍾琪云目前事務首重軍需所有採買糧草馬羸等項係委布政司孔毓璞涼莊道殷邦翰驛傳道趙挺元公同

旨進京恭請

聖訓荷蒙

皇上鑒

命臣到西安將甘肅一切事宜向督 臣岳鍾琪諮詢明白再行赴任 旨於正月二十九日到西安詢據督 臣岳鍾琪云目前

白再行赴任 臣遵

旨於正月二十九日到西安詢據督 臣岳鍾琪云目前

事務首重軍需所有採買糧草馬羸等項係委布

政司孔毓璞涼莊道殷邦翰驛傳道趙挺元公同

殊批諭旨

三

許容

料理官員有剋扣侵冒者已經糾叅嚴處現在各

軍需自屬緊要但此番限期並非促迫可以從容辦理
官亦知畏懼但書役糧頭人等仍恐不免侵漁等
汝等督撫大員果肯殫心盡力查覈公於勸懲則
斷不致貽累百姓亦無遲延之慮也勉為之
命引緒糧料草束更屬有餘無煩
聖懷督臣岳鍾琪又云寧夏新渠地方奉

旨招民二萬戶係交陝甘兩撫分辨到時即當料理臣

抵蘭之日查問情形知附近寧夏人民仰蒙

聖恩頒給籽種牛具蓋房銀兩俱各踴躍爭先現據部

臣佟智等咨稱正月以來報墾者已有六千戶其

餘接踵而至等語臣以時屆春耕新集之民亟須

安插飭令布政司孔毓璞將撥解到山西銀七萬

五千兩內委官押解七萬兩交寧夏道府及時料

理俾得早沾實惠無悞耕作其餘應招之戶陝甘

兩省作何分辨現在酌議舉行督臣岳鍾琪又云

河西各官辦差勞苦蒙

皇上軫念令照陝省之例增給養廉奉

旨已經四月孔毓璞尚未議妥等語臣到蘭查詢總由

耗羨不足之故查河西道府同知通判州縣衛所

共三十九員照陝省應給養廉銀四萬四千餘兩

余照河西額徵銀糧耗羨除扣存社倉外其餘全數估算計銀一千餘兩糧四萬餘石再加每年稅羨銀二萬餘兩約計可以敷用但查通省尚有萬不可少之公費每年需銀二萬餘兩向於通省耗羨內支給今河西耗羨儘給各官勢不得不取給於河東臣又查河東各官經前撫臣石文焯酌派養廉原係因陋就簡多寡不均有千餘兩者亦有僅存二三百兩者現今河東各官仰見天恩浩蕩不無均沾之想臣就河東計算官員多於河西共需養廉銀五萬二千餘兩照河東額徵銀糧

聖恩耗羨除扣存社倉外其餘全數估算止有銀二萬九千餘兩糧二萬餘石再加河東稅羨每年止有一千餘兩約計尚不敷銀一萬一二千兩而通省必不可少之公費更無出處臣令孔毓璞逐加細查收茶各官每年向有規禮銀五千餘兩管鹽通判每年向有規禮銀一千兩既議養廉俱應歸公再各屬當商亦有地方官規禮均應查明確數統歸公用此外不敷容臣咨商督臣或者仰邀

聖恩在於西安公費銀內撥補統俟督臣請汝等斟酌妥協具奏以聞旨遵行督臣岳鍾琪又云甘省官員疲玩已極須得整

理等語臣入境後沿途接見各官并留心體訪道府以下才堪辦事者不過數員其餘或初任書生不諳吏治或才具平庸難稱厥職兼之疲玩怠惰相習成風誠如督臣所云臣仰遵

聖訓自當反覆開導加意裁成苟有一節之長必不負皇上作養人才之意倘或教無可施斷難姑容亦不敢是

苟且因循致令貽誤地方惟是分到試用人員俱已委署不但缺出無可遴選卽現在各屬軍需委查協辦亦無員差遣合無仰懇
聖恩於科道部屬內揀選道府三四員再於候選候補

據岳鍾琪亦曾奏請但克勝府道之任者頗屬乏員俟

揀選得人時陸續發往

敕部分發來甘以備委用再查甘省雜職等官已選未

到者十一員出缺未選者八員當此辦差之際微員亦屬緊要竝祈

皇上敕部查照施行所有各路過西安與督撫岳鍾琪

商辦事件理合一併奏

聞伏惟
睿鑒謹

奏

覽

殊批諭旨

五

許容

同日又

奏為奏

聞事臣查甘省年歲豐收人民樂業久在

聖鑒聖到蘭後查問地方情形雖正在預備軍需無不

踴躍趨事目今正當種麥之時各屬得過雪雨分

寸深淺不一現在俱各播種三月內再得時雨即

可預期豐稔臣恐上塵

聖懷理合奏

聞謹

奏

覽奏甘省農民現在播種情形知道了但能懋修職業
有以感召

天和自蒙休徵下應誠敬為之此心絲毫不可少肆

同日又

奏為甘省奏銷久違定限亟宜清查以杜弊端事臣

查定例每年錢糧至次年五月奏銷直省遵行已

久惟甘省自雍正三年至雍正六年均未奏銷在

經徵督徵各官歷年總無處分自必催科日怠其

中更有捏完為欠那新掩舊種種情弊皆由此起

查從前奏銷歷任巡撫布政司俱以軍需為辭延

硃批諭旨

三

許容

能如此居心阿事不克整理
挨時日思軍需與地方錢糧各有款項毫不干
涉何敢因循舊習漫無稽查一面嚴飭布政司孔
毓璞將作何次第奏銷之處詳覆到日另疏

題明勒限嚴催完結臣謹先行奏

聞伏惟

睿鑒謹

奏

錢糧實乃專責必奏銷改歸定限方得杜弊要領此奏
甚屬可嘉

同日又

奏為

奏明事臣查定例凡屬官被上司非理凌虐許其許
告原以通下情而存公道立法至當但必有凌虐
實跡竝事有相關勢有難已然後可以顯行詳揭
今臣查甘省自上年六月至今屬官揭上司者四
案其所揭事款雖未必盡屬虛誣亦有懷挾嫌怨
摭拾風聞肆行訐告者臣思此等事件督撫不據
揭

題叅卽係朦蔽且於定例有違若遽行叅

奏一併解任則懷私挾詐之風從此漸長恐至挾制

上官莫敢如何殊非我

皇上蕩平正直整飭官方之意臣請嗣後凡有屬員詳揭上司者臣卽繕摺先行奏

聞一面遴委賢員秉公確查俟查審得實再行

題叅倘臣敢袒護上官以致微員冤抑不能上達

皇上明見萬里一有訪查臣甘加倍治罪理合預爲

奏明伏惟

聖鑒謹

奏

屬官詳揭上司例應題叅不應摺奏違例之舉未免滋

生物議仍照舊爲是倘至審虛時嚴加反坐則可或賢員偶被庸劣屬官詳揭一面題叅一面具摺聲明亦可大抵用人一節要在秉心公正隨事隨人逐一留意甄別剖斷是非耳若云先定不偏不倚之成憲創設有弊無弊之科條無是理也至化道於未事之前防禁於將然之際又在汝等膺統率之任者預有以隨時調劑也蓋國家用人激濁揚清進賢退不肖此爲最難御下苦衷朕惟自知仰荷

上蒼照徹耳庸碌之流烏足以知之

同日又

奏爲

奏明事 臣仰邀

皇上知遇畀以封疆重任惟思潔己率屬無論事之鉅

果能盡斯一語可保悉皆妥協矣但大小臣工

惟此爲難耳千九百餘兩係屬茶規又有親丁馬糧四十五分

內分給 臣衙門筆帖式十五分尚有糧三十分歲

支銀七百五十兩糧料四百五石 臣初到蘭署一

切用度未能知其詳細今約略計算每年齎摺進

京往返路費竝 臣衙門心紅紙張本摺箱匣及本

標城守三營考驗犒賞幕賓束脩家人工食約需

銀七千三四百兩尚餘銀五千餘兩并所有糧料
爲一切薪水日用之費 臣遵循舊規辦理不敢妄
議裁減理合

奏明伏惟

聖鑒謹

奏

覽奏知道了

雍正七年四月十五日蘭州巡撫 臣許容謹

奏爲奏

聞事竊 臣職任封疆首先察吏到任後因見甘省官員

殊批諭旨

三

許容

疲玩成習卽經摺

奏并請揀選人員

命往以備委用其有敗檢不法如隆德縣知縣劉光碧
玩愒不堪如安化縣知縣張克寬當卽繕疏

題叅外其餘同知通判州縣等官尚未能用周知賢否

容臣細加訪查再當據實陳

奏至司道府等官原屬地方大員責任更重謹就臣

一時見聞所及另摺開列恭呈

皇上睿覽謹

奏

汝到任未久如許屬員何乃評品若是之速觀汝資質
未具有知人卓識不可以所開列遂爲準則其再加詳
審據事考覈然後奏聞前於陞辭時保奏何廷圭王全
臣帶往甘肅諒係相識有素然未免推許太過二人中
如何廷圭者更爲國法之所難容况伊等在甘年久恩
怨滿懷若聽其蠱惑之言以爲棄取徇其一偏之見以
爲興革恐將來貽害於汝之身家性命不淺也慎之

同日又

奏爲請

旨事竊查藩庫錢糧係臣專責臣到任後查甘省自雍

正三年至雍正六年俱未奏銷地方官竝無考成
催徵日怠其中或有侵那捏飾情弊一時亦難查
核是以繕摺

奏明一面嚴飭布政司勒限銷算今據布政使孔毓
璞詳稱甘省每年額徵銀二十一萬二千餘兩向
來估撥兵餉止在本省酌撥數萬兩其餘俱在外
省協解自雍正三年至雍正六年奉部將本省額
徵銀兩照數全充兵餉因民間輸納不能歲內全
完前司及本司俱有墊支之項除各年未完銀兩
漸次報完外其雍正六年額徵銀二十一萬二千

餘兩止徵完銀一十四萬四千餘兩尚有未完銀
六萬八千餘兩民力實有不齊萬難追比全完已
將朋合小建銀兩照數墊支呈請具

題在於外省撥解補項以便造冊報銷并稱雍正七
年兵餉竝未撥有本省額徵將來可免借墊等情
前來臣查雍正六年額徵銀兩既經奉部撥充本
年兵餉自應竭力催徵以副供支卽或民力不齊
歲內不能全完亦當預將不敷之數約估詳請

題達仰籲

聖恩今孔毓璞既不催徵於前復不詳明於後擅將存

庫朋合等項銀六萬八千餘兩那墊供支已經半載及臣嚴催奏銷始爲詳報則那移之咎自應照例

題叅但甘省地當邊塞每年額徵錢糧遲至歲外尚未全完而兵餉例係按季關支不得不爲墊放孔毓璞那移情由原非虛飾理合據實

奏明可否仰邀

皇上天恩將孔毓璞那移銀兩勒限一年催徵補項倘逾限不完再行嚴叅著追事關通省大員臣未敢擅便謹先繕摺請

旨伏祈

睿鑒批示臣欽遵具

題爲此謹

奏

似此移東掩西非弊而何孔毓璞受朕格外恩擢豈可踵行陋習速令催徵補項倘至逾限不完嚴叅重處將朕此諭亦令伊知之地方土果有不得已情故何妨據實摺奏及或咨部請示而乃擅自那墊供支以啓作弊之端嗣後切須永戒

同日又

硃批諭旨

聖

許容

奏爲奏請

睿裁事竊查民壯一役原爲防護地方而設州縣各官自宜實力奉行不但工食不容侵冒操練亦須純熟方收實用臣到任後據署鞏昌府事候補知府徐洄瀛查出所屬十七州縣民壯處處缺額自雍正二年起至今止州縣各官共計侵冒工食銀三千九百餘兩詳揭到臣臣思一府如此通省可知現在行令布按兩司一併清查揭報第就鞏昌一府而論已有州縣官十餘員若再於別府查出則叅劾必多甘省正在需員之際旣不敢姑息容姦

又未便槩行叅

奏臣再四躊躇可否仰邀

聖恩准照侵扣老婦銀兩之例許其自首則事皆核實而自新有路均沐

天恩於格外矣謹繕摺請

旨伏禱

皇上批示遵行謹

奏

此事旣經奏聞汝不難措置矣將自首充補者免其叅處仍然侵冒者糾劾示懲但須確查而已何庸再四躊

踏耶

同日又

奏爲奏

聞事臣查固原地方拏獲妖言匪棍馬忠一案臣到蘭時已經督臣岳鍾琪提赴西安質審前經

奏明嗣於秦州地方拏獲馬忠妻女經平涼府知府李桐訊供其所供各情由俱與馬忠前供互異其中虛實應聽岳鍾琪審明具
奏又據寧夏鎮臣郭成功咨報於寧城清涼寺內拏獲匪類馬三陳大哥赫大哥三名在行李內搜出

紅紙硃筆標判寧夏都統封條二十張硃筆路票一張又續獲馬國昌一名臣閱其來文竟似馬忠案內匪黨嗣經寧朔縣知縣李鉉詳報所審各情節又竝未供有馬忠之事臣令按察使李世倬嚴審如有與馬忠一案干涉之處一併解交西安質審理合

奏明伏祈

皇上睿鑒謹

奏

所轄境內凡遇類斯事件切勿涉於疎慢平時尤當留

硃批諭旨

四

許容

心訪察一有發覺卽行推勘務究根株封疆大吏若能如是精明搜剔則匪類無由施其技倆地方上何至釀成患害耶惟此一節最爲緊要勉力爲之

同日又

奏爲恭

奏甘省雨水情形事竊查甘省雖風高土厚半屬水田多資河渠其餘旱田得雨早者先爲種麥得雨遲者卽種秋禾緣夏秋不能兼種是以歲僅一收臣飭令各屬將雨水情形不時具報今據陸續報到查涼州甘州西寧寧夏四府并肅州一廳今春

瑞雪均沾土膏滋潤且現在河水流通足資灌溉所種豆麥俱已滋長秋田在五月半前始爲種完再得時雨卽屬豐年又臨洮鞏昌平涼慶陽四府并直隸秦階二州內有所屬廳州縣衛三十六處今春得過雪雨三四次至七八次不等豆麥現在發長惟蘭州金縣安定會寧四處雨澤缺少靖遠一處至今尚未得雨若四月內得雨則已種之麥可以發長并於秋禾無誤謹將各情形再爲

奏明伏祈

皇上睿鑒謹

硃批諭旨

四

許容

皇奏

汝等大吏涖政臨民有以感召

天和方可冀雨暘時若禾麥豐登之慶也勉之

雍正七年五月初六日蘭州巡撫臣許容謹

奏爲恭報時雨仰慰

聖懷事竊查甘省風高土厚向來雨澤艱難四月半後望雨更懇臣恭率在城文武紳耆耆庶并通飭各屬齋戒沐浴虔誠步禱先據西寧府并臨洮府屬之狄道等縣鞏昌府屬之隴西等縣直隸階秦等州先後報到除從前陸續得過雨澤外四月二十

七八兩日又得時雨二三四寸不等今於五月初

三日丑時起甘霖大沛直至初四日子時止臣遣

騎四處查看所有望雨最急之蘭州金縣安定會

寧靖遠等處各得雨三四寸五六寸至八九寸不

等夏田立見茂盛秋禾俱可布種豐收有望四野

歡呼其餘各屬去蘭較遠行查未到理合繕摺具

奏伏祈

皇上睿鑒謹

奏

此番雨澤未必止係步禱之力乃忠誠所感耳但能勉

殊批諭旨

聖

許容

竭忠誠卽勿事儀文亦必蒙昭格之應也

奏同日又

奏為奏請

聖裁事竊查各省

命往人員俱係一面委署一面具

題試用一年限滿果能稱職再請實授惟甘省委署

俱未

題報且係隨到隨委不暇選擇以致人地多不相宜

銜缺未盡相當伏念我

皇上策勵羣材慎重民牧每於月官引朕意矣引見之際敷奏以言不過畧加甄別總在

汝等則試以功力可定其優劣耳見之時必量其才具之長短地方之難易斟酌試用務

收得人實效臣才識魯鈍人員接見之始自難遽

定賢否然察其言論觀其舉止亦可略得大槩欲

將現在委署未經

題報各員商同督臣暨司道等因才改委但一經更

張必有去取現今甘省乏員且各有承辦軍需不

得不暫緩時日應俟軍需稍定人員分到再行逐

一甄別量才授缺併照各省之例統為

題明嗣後試用人員仍請酌量人缺具

題委署在臣等鄭重其事自當加意衡才而各員名

硃批諭旨

聖

許容

登
御覽亦必共相鼓勵矣是否有當伏候
聖裁爲此謹

奏

果能公勤察吏題報與否皆可假若少涉於私卽題明
委署豈遂免冒濫之弊乎以此爲鄭重其事可謂舍本
而逐末以此期共相鼓勵徒見有名而無實且此乃循
例之舉無關衡才藻鑑何必如是鋪張其詞耶
朕非言不應題委也又莫錯會

同日又

奏爲地方整理需人冒昧陳

奏仰祈

聖鑒事竊有崇信縣知縣王庭蘭庇盜庇窩貽害地方
流毒鄰省臣查察得實當經特疏

題參外伏查崇信一縣地處山僻所屬村堡姦獠聚

居爲盜爲窩勾通該縣吏役固結隱庇牢不可破

竟成盜賊淵藪必得強幹之員加意整刷方可杜

絕根株安輯良善但現今委署乏人卽將來新到

之員尚須試看人缺果否相宜一時亦難遽信查

有原任鎮番縣知縣杜振宜因與甘山道岳禮互

殊批諭旨

哭

許容

許經前撫臣莽鵠立

題叅革職臣奉

命至陝卽聞杜振宜爲河西能員抵蘭之後細加訪察伊在鎮番并歷署武威張掖等縣俱有聲名頗見風力復查與岳禮互許原係同日詳到前撫臣莽鵠立將杜振宜叅革提審將岳禮留任質問其偏私之處久在

皇上明鑒之中嗣經布政使孔毓璞承審此案所有岳禮原揭杜振宜荒蕪藉田不但竝未荒蕪且收穫糧石多於往年其短發馬夫工價查有空缺銀三

十兩糧四十餘石係貼補西寧安塘馬夫事屬因公亦未侵蝕入己而岳禮短發豆價等項確有證據岳禮自知不能倖免乃以孔毓璞偏袒詳揭經署撫臣張廷棟改委按察使李世倬承審以致此案尚未

題結又莽鵠立續叅杜振宜虧空草十餘萬束銀二百餘兩當經涼州府查明原係實貯竝無虧空是杜振宜於此二案均無大過雖該員居心操守未能確有所見而才堪辦事實係衆口同聲若令整頓地方必有一番振作但係革職之員緣事未結

不敢越例保
題可否仰邀

皇上特恩將杜振宜署理崇信縣知縣効力贖罪如果
稽查得法盜息民安再行

題請實授倘有敗檢越閑并致貽誤地方仍當據實

嚴叅加倍治罪臣為地方需人起見不揣冒昧繕

摺陳

奏伏祈

皇上睿鑒施行謹

奏

用人一節朕實信汝不及秉公察訪尚恐識見有時不
明況一味偏私任情愛憎舉錯安足為準以薦何廷圭
叅殷邦翰二事揆之其餘不問可知卽如杜振宜此奏
汝既未能深知灼見其居心操守則於伊根本處毫無
確據胡為如是破格薦揚朕殊不解若第以衆口同聲
一語遂爾決定不疑將許容之目置於何地持此以往
則是大開屬員奔競之門寧有底止耶且衆口同聲俱
未曾保其居心操守縱才堪辦事亦屬才勝德之小人
明矣乃不待案件完結而汲汲保奏之必待其敗檢踰
閑貽誤地方又從而叅處之何孟浪輕率至於此極為

地方需人之道殆不若是也杜振宜前案倘審理少有不公朕必另簡大員覆加訊鞫將此諭與孔毓璞李世倬承審各員併觀之

同日又

奏為奏

聞事竊查軍需關係重大臣駐劄蘭州與督臣岳鍾琪相距甚遠諸事不獲面商倘意見稍不畫一承辦官卽無所適從是以一切事宜總聽督臣主持斷不肯略有掣肘致煩

聖懷惟有竭力催趲盡心查察以期事無稽遲民沾實

惠再臣接准部文奉

旨駐涼滿兵一千名令臣將涼州向有營房修理應用當據涼莊道殷邦翰稟稱出口大兵在涼養馬已將營房修理完備俟大兵起身後或有應行粘補之處現今無庸修整等語臣查殷邦翰已經督臣派委督運出口卽飭令現赴甘涼督辦軍需之平慶道趙泉楠就近料理自必無誤理合一併奏

聞伏惟

睿鑒謹

奏

辦理軍需之責朕原專畀岳鍾琪一人汝等職司應付胡可掣肘倘致稽遲自罹叅處耳於人何與此奏殊屬謬誤大兵出口後則干係全在汝矣身家性命所關敬慎爲之稍有不協莫翼如綽奇哲爾金何廷圭尚獲苟延歲月也

同日又

奏爲

奏明事竊臣衙門有幕友沈見山係浙江杭州府人在陝有年從前曾在原任按察使李元英處作幕本年三月內奉

旨查審李元英款蹟據布政使孔毓璞詳報李元英於雍正五年署藩司時有書辦趙益正漏造冊籍已經回明李元英准其改正伊內幕魯薦梅指留不發趙益正送銀一百兩始行發出等語當飭按察使李世倬嚴拏審擬嗣據李世倬稟稱據魯薦梅供伊止得銀四十兩其餘六十兩轉送與沈見山等語臣當將沈見山飭發嚴審後據李世倬稟稱已經當堂質訊沈見山原管臬司衙門事件並未經理錢糧冊籍實無得銀情事對簿之下魯薦梅已將獨得銀兩原圖贓少罪輕混供推卸各實情

直吐不諱質訊書辦趙益正等僉稱前項銀兩係親交魯薦梅現有劉鼎見證其冊籍原係魯薦梅經管等語臣恐李世倬或因沈見山在臣衙門不無瞻顧復委涼莊道殷邦翰會審并題李元英到案三面對質各犯堅供如前與沈見山實無干涉但現係臣衙門辦事幕友事涉嫌疑相應據實

奏明伏祈

皇上睿鑒謹

奏

朕觀此事兩司大有瞻徇景况亟當推究實情以申功

令何故因一細人玷汝官箴莫謂曾奏過三字卽能免入議論也將此諭亦與兩司看

雍正七年五月十八日蘭州巡撫臣許容謹

奏爲請

旨事雍正七年五月十七日臣准部文奉

上諭肅州辦理軍需更關緊要署督查郎阿相隔路遠巡撫許容又屬新任著湖北巡撫馬會伯前往肅州辦理軍需一切與督撫等公同計議而行卽帶管肅州總兵印務甚爲妥便欽此仰見我皇上睿慮周詳無微不至但念臣荷蒙

硃批諭旨

聖

許容

聖主知遇現在身任地方所有軍需事務督臣岳鍾琪
早爲經理臣不能少分微勞將來大兵由肅出口
事務殷繁岳鍾琪既有領兵專責馬會伯亦屬新
來臣若仍坐蘭州不往相幫料理實覺寤寐難安
理合繕摺請需更開察要署查項回休謝辭表
旨伏乞下旨行爲此謹
天恩垂鑒准臣前赴肅州協力供辦俟大兵起程後再
行回蘭料理地方事務臣謹候命旨行爲此謹
旨遵行爲此謹

奏

此奏是殊屬可嘉一面起程赴肅共相商辦一面照例
題明可也

雍正七年六月初六日蘭州巡撫臣許容謹

奏爲請

旨事竊查甘省雍正三年奏銷內有存庫銀三百六萬
餘兩據布政使孔毓璞詳稱俱經歷任藩司墊用
現無存貯母容盤查保題等語臣查此等墊項俱
係十數年遷延未清之款若再不徹底清查將來
愈難歸著臣前已

題明請限一年令布政使造冊銷算聽候部議今於

五月二十七日接准部文西寧一路軍需用過錢糧蒙

皇上特遣侍郎劉於義按察使葛森前來清查銷算等因欽遵在案合無仰懇

天恩俯念藩庫墊項繁多敕諭劉於義等同臣逐一核算應開銷者開銷應查追者查追庶積年懸項各得歸結藩庫錢糧從此清楚實有裨益謹摺摺請

旨伏祈

睿鑒施行謹

奏請以其前請撥軍需一節愚想和衷奏請當蒙此項庫帑係汝撫任專責業經題請展限有旨允准何可推諉欽差以圖自便也

同日又

奏為恭繳

硃批奏摺事竊臣於本年六月初三日恭接

皇上硃批臣奏司道各官賢否一摺仰蒙

聖恩訓誨周詳臣跪讀之下惶悚無地伏念庸才庸識

淺遇事粗率蒙我

皇上天地洪恩裁成矜全游歷封疆重任受

硃批諭旨

璽

許容

恩愈深圖報日切自到甘肅以來急欲體察吏治而徃
於淺見遂以一時之評品冒瀆

聖聰臣繕摺拜發後接到臣前次奏摺內欽奉上諭
皇上硃批御下苦衷朕惟自知仰荷

上蒼照徹耳仰見

聖明天縱尚且其難其慎臣何人斯遽敢以兩月之內
定人賢否今荷

皇上明白開示益覺爽然若失至何廷圭王全臣二人

臣前任府谷縣知縣調赴軍前辦差口外原曾認
識見其頗能料理軍需一時愚昧妄爲奏請當蒙

聖訓凜凜於中若再受其蠱惑愚弄不但自貽身家性

命之累且負我

皇上生成教育之恩臣斷不敢出此惟有恪遵

訓旨愈加儆惕無欺無隱以圖報稱其布政使孔毓璞

那移庫項一摺所奉

硃批併欽遵傳知勒限催補外所有臣奉到

硃批奏摺理合恭

繳伏惟

聖鑒謹

奏

硃批諭旨

奏

許容

平治天下祇斯用人一事凡爲督撫者能秉公察吏甄別賢不肖俾屬員旣畏且感始可謂無忝封疆之任不此是務而欲以一己之才智駕馭羣僚萬不可得也勉之悅服之道無他惟正己率人屏除恩怨久之未有不傾心歸嚮者

雍正七年七月初四日蘭州巡撫臣許容謹

奏爲恭繳

硃批奏摺事竊臣家人捧齋進先後奏摺回署俱荷

皇上批飭教訓詳加開導跪讀之下惶愧無地伏念臣

仰邀

聖主知遇昇以封疆重任識見旣已淺陋遇事又多粗

疏錯謬多端隕越是懼蒙我

皇主不卽擯斥多方裁成卽使竭盡駑駘亦難仰答

高厚惟有恪遵

訓旨時時儆惕少贖前愆於萬一耳所有保舉杜振宜

一摺奏明臣幕友沈見山一摺俱已遵

旨令布政使孔毓璞按察使李世倬觀看并令秉公察

審外謹將臣奉到

硃批奏摺繕摺恭繳伏祈

皇上睿鑒謹

硃批諭旨

五七

許容

皇奏睿覽

覽奏俱悉知非改過非大聰明具超卓識見者不能必將訓誡之辭反覆思維心悅誠服翻然愧悔實力悛除而後自新之路日闢知遇之恩克全矣若恣恣以稍贖前愆之萬一等數語謂已恪遵殊與朕諄諄玉成之意相左也

雍正七年閏七月初九日蘭州巡撫臣許容謹

奏為奏
聞事竊臣於七月十五日自蘭州起程挨站查催軍需望主於二十一日到涼州府城大將軍岳鍾琪先到

日湖北撫臣馬會伯亦於二十二日到涼所有涼州府承辦之驢騾車輛口糧米麵駝屨苦羶繩索等項俱已完備公同商議岳鍾琪暫駐涼州分派兵馬臣先赴甘州查催軍需馬會伯前往肅州駐劄料理統於閏七月十五日前後到肅臣隨由涼屬之武威永昌甘屬之山丹逐縣清查催辦二十八日到甘州所有甘州府置備各項軍需亦俱齊全於閏七月初七日由甘屬之張掖查催前往不日即可到肅臣查涼甘肅一路軍需大將軍岳鍾琪仰遵

殊批諭旨

奏

許容

皇上訓旨料理得宜官吏不敢侵扣兵民俱沾實惠人
人踴躍即沿途養馬候示出口之官兵亦皆恪守
大兵出口之後一切清理稽覈均係汝等之責朕實不
法紀公買公賣竝無絲毫紛擾再查各處夏田涼
敢保其必能妥洽須奏銷後方可定論耳
屬之平番古浪肅屬之高臺收成八九分十分不
等涼屬之永昌鎮番甘屬之山丹收成俱有六七
分涼屬之武威收成八分九分不等甘屬之張掖
近城周圍約二十里名爲下六渠地土瘠薄今年
山水到渠稍遲下雨亦晚收成三四分五分不等
而遠鄉地畝泉流不竭收成有六七分者有八九
分者統計張掖一縣仍在六分以上至各屬秋禾
深慰朕懷

俱極茂盛米糧價平民情安帖臣查張掖每年額
徵糧七萬餘石近城各渠應納糧一萬餘石正在
採辦軍需卽值開倉徵收臣仰體

皇上愛養邊氓至意飭令該縣按下六渠收穫之厚薄
分別暫爲寬緩俟秋禾登場後再行上緊催徵再
查肅州前於七月初十日臨城河北黃草等壩落
有冰雹傷損田苗又因猛雨水發衝塌民間土房
雖邊方每有之事要當加意撫恤毋得草率塞責
一百餘間臣於途間接到報文當卽批飭肅州道
齊式查勘料理臣到肅時卽當親驗確實加意撫
恤酌量給賞仰慰

聖懷至於沿途塘汛地當極邊大兵出口之後防範更宜嚴密將備各官半係新委署理守汛兵丁多不能照派定之數朝夕在塘臣仰遵

訓旨和衷辦理已將臣所見聞面商提鎮囑其訓練稽如此方是飭令嚴加查懲查更祈

聖恩申諭自必益加儆惕於地方實有裨益矣所有臣沿途親歷情形理合繕摺奏

聞伏惟

聖鑒謹

奏

覽

雍正七年九月十五日蘭州巡撫臣許容謹

奏為奏明事竊查西路軍需經寧遠大將軍臣岳鍾琪辦理妥協俱已齊備陸續出口再督臣衙門筆帖式奇書等在寧夏口外牧放駝隻解送甘涼內有挑存疲瘦不能馱載者八千餘隻又原任布政使諾穆渾等在西寧口外牧放駝隻內挑存疲瘦駝三百餘隻俱經大將軍臣岳鍾琪檄令留廠牧放俟收槽時動用軍需銀兩採買草料飼餵臙壯明春馱糧出口現在酌議分發餵養臣於九月初

八日行至莊浪迎見將軍臣常色禮領兵前來紀律嚴明按站下營並不住宿民房臣將應支糧料草束與常色禮逐一面議照依西安寧夏之例半給本色其餘一半遵照部價折給和衷商辦意見相符惟常色禮云甘涼地方採辦各項軍需誠恐出產無多如將來價值昂貴另行妥議

奏請等語應俟果有昂貴之時再爲奏

好聞請

旨所有甘涼一路軍需情形理合奏

聞再查肅州於七月間落有冰雹經臣

奏明在案後臣抵肅查看所打田禾甚屬有限今歲

夏秋成熟百姓十分安堵至衝塌房屋查係肅州

道衙門左近多年土房因驟雨泡塌已經肅州道

齊式安頓撫恤修理整固再甘屬秋禾收成現在

行令各府州查取確實分數俟到齊分晰

奏報臣查大勢情形約有六七分八九分十分不等

其臨洮所屬之蘭州鞏昌所屬之靖遠歷來雨水

奏稀少今歲仰賴

皇上聖德格

天收穫豐稔難計分數爲一二十年來所未有合先

殊批諭旨

空

許容

天
奏明仰慰
聖懷爲此謹

奏

覽甘屬秋禾收穫情形朕懷深慰將來雨暘豐歉全賴
汝有以仰邀

天

恩之錫佑耳竭力勉之然必敷政臨民無慚衾影休徵
之應乃可預期非徒恃設壇建醮籲禱虛儀遂謂能盡
祈求之道也感應之理慎勿謬解

同日又

奏爲恭繳

殊批事竊臣家人及臣標員弁捧齋臣先後奏摺回至

奏甘省俱荷

殊批甚謹叩接跪讀訖伏念臣至微至賤仰邀

皇上天恩不次擢用洵任封疆自恨識見淺陋才具庸

下歷任之內過愆多端荷蒙

聖恩鑒臣愚拙格外矜全且每遇一事

訓導詳明

指示愷切欲使葑菲微材有所成就人非木石能不感

激思奮爭自濯磨況臣才固謏劣志實向上受

恩日重微懼益深臣父年近八旬惟恐臣多過舉遠來

殊批諭旨

空

許容

沖公疏可以兩盡
署無時無刻不以上報

特賜汝父物件數種以示朕優恤之意
聖主隆恩懃懇誠勉若不屏絕私衷虛懷體認徒執

一己之偏見罔顧事理之攸宜則上負

君恩為不忠下貽親憂為不孝臣質雖下愚寧甘暴棄

若此自今以後惟有凜遵

聖訓以實力實行四字銘刻於中以期無負

皇上諄諄玉成之意耳所有先後奉到

硃批奏摺理合恭繳謹

奏

奮勉自勵為一當代人物名標青史寧不美歟不望汝

企及上古名臣但能效法鄂爾泰田文鏡之居心行事
斯亦可矣

雍正七年十一月二十日蘭州巡撫臣許容謹

奏為恭謝

天恩事本年十一月十一日齋摺家人回蘭捧到

御賜臣父臣許士正人參二斤貂皮二十張寧絀二疋

臣父臣士正率臣容跪迎進署恭設香案望

闕叩頭祇領訖臣容以愚陋庸材仰荷

聖恩從縣令微員不數年而拔至巡撫

恩遇不次臣身受

殊批諭旨

奎

許容

賞賚已越尋常前於雍正三年三月內由口北道調任

陝西糧道進京請

訓蒙

恩賞給臣祖母暨臣父母衣素緞四聯又於雍正五年

十一月內由陝西解任按察司陞授浙江布政司

進京請

訓蒙

恩賜臣祖母二品

封典今又蒙

聖恩賞給臣父人參貂皮寧絀各種三世躬膺

曠典舉家咸沐

恩榮自顧何人恭逢

異數

天高地厚感戴靡涯臣謹隨臣父叩謝

天恩臣父不敢繕摺令臣代

奏伏念臣士正一介寒微向蒙

聖祖仁皇帝教育深恩幸列科名三任知縣寸長未效圖

報心殷第以才具庸下未能上答涓埃惟諄諄訓

飭臣之諸子全忠卽以全孝報

君卽以報親臣子容仰荷

殊批諭旨

密

許容

殊恩簡任封疆更蒙

推恩錫類榮及三代

恩遇之隆無以復加惟是甘肅巖疆正值軍需臣子容

膺茲鉅任誠恐才識未逮疎忽多愆是以匍匐遠

來朝夕誠勉務俾殫竭愚誠以勤以慎盡除一己

之偏見凜遵

聖訓之精詳上以答

聖主知遇之

隆恩下以完小臣未畢之志願迺復蒙

天恩優渥

頒賜奇珍更

命臣子容留養署中公私兩盡跪讀

恩諭感激涕零惟率領闔家老幼恭祝

萬年天子所有感激微忱謹令臣子容敬謹繕摺代爲

奏謝

天恩爲此臣容謹

奏

覽奏謝知道了父母愛子之心無所不至但恐過愛則
溺倘汝父偶有公中私之論又在汝自能揆本末度輕
重也非朕愛汝之心不及汝父之切所慮者或汝父識

見涉於淺近不知真愛之道耳此雖未必然之事朕既思及安得不爲警覺提撕汝其審諸

同日又

奏爲

奏明事竊照甘州涼州平涼三府打造糧車七千輛應裝糧石經大將軍臣岳鍾琪

奏明照內地運糧之例預先雇運肅州俟明春糧車到肅裝運出口現在陸續運送所有拉車牲口亦經大將軍派定用騾一萬三千頭馬一千匹其馬匹已於西安解到馬內照數挑留分發臨洮府屬

餵養其騾頭除甘省採買竝西藏官兵帶回原在甘屬分餵各騾外西安解到騾一萬一千四百餘頭據平慶臨鞏四府接收各官報有病癘殘傷者經大將軍批令西安原餵官賠補嗣據西安司道詳稱起解之時俱係慎重挑選分起管押且程途不遠何至有如許病傷或係收餵各官希圖卸過朦混捏報而鞏昌布政使孔毓璞又以解到時派委知府等官眼同解官驗明分發各屬餵養其病傷之騾隨收隨報自應照大將軍批示著落賠補彼此不無袒護臣查此項騾頭俱係拴養日久若

原餽官各差的當家人小心同押自不至於傷損
今西安另派官員督令營兵捧送沿途經理未周
傷癘固所不免至甘屬收餽各官惟恐賠累是以
於接收時凡有微癘微病者悉行報出亦不無過
於苛求情弊臣隨分委西安驛傳道趙挺元平慶
道趙泉楠分路確查實在不堪者令西安原餽官
更換補解其原有微傷微病調治已愈者著接收
官加意餽養總期持平辦理務使彼此帖服不致
誤公至於明歲糧車赴肅最關緊要必須多員管
押議派平慶道趙泉楠暨平涼府并帶州縣官

員親押平涼所造之糧車并驛頭前往肅州又派
臨洮府鞏昌府各帶州縣官二員各將所屬餽養
驛頭管押甘涼即將甘涼所造之糧車管押肅州
又派寧朔中衛二縣押解寧夏府屬所餽駝隻赴
涼將應馱米麵會同涼州府并武威縣料理妥當
交護涼莊道寧夏府知府鈕廷彩催押赴肅又派
西寧府暨碾伯縣押解西寧府屬所餽駝隻赴甘
將應馱米麵會同甘州府并張掖縣料理妥當交
甘山道岳禮催運赴肅仍令各道府官員各帶餘
驛八頭州縣官員各帶餘驛四頭再令餽養驛頭

州縣各遣親信能事家人一同管解亦各帶餘騾
四頭以備沿途偶有病乏隨時抵補每用一頭准
將此奏已命鈔錄行知查彌納等稽查辦理矣
給銀一十二兩在公用銀內報銷再布政使孔毓
璞意欲親詣甘涼肅料理糧運出口但布政司係
錢糧總滙應辦事件甚多且正在銷算軍需不便
耽延臣請於明歲二月間俟平涼府屬糧車過蘭
時臣帶同派委之道府各員督押前往并甘涼寧
西各府糧車駝隻一同催儻赴肅會同湖北撫臣
馬會伯起發出口再回蘭州臣衙門日行事件可
以沿途辦理所有

欽部案件暫時停止庶臣職稍盡臣心稍安伏祈
皇上睿鑒俯允施行謹

奏

糧運出口事宜朕已專委孔毓璞赴肅料理地方緊要
若無大員坐鎮如何其可汝但居中調度不必更爲甘
肅之行也

同日又

奏爲恭繳

硃批事本年十一月十一日准家人回蘭齋到
硃批奏摺臣叩接跪讀訖伏讀

硃批諭旨

突

許容

硃批但慮科甲瞻顧之習不除友朋恩怨之情不脫耳
臣敬誦之下不勝惶悚伏念臣出身寒微稟性迂
拙蒙我

皇上特達之知不數年而拔至巡撫更且

推恩臣之祖母父母

恩德之隆非天不足以比高非地不足以喻厚身受如
此

隆恩而猶不殫心竭力剖肝瀝膽以圖報稱豈惟

國法難逃卽

天地鬼神亦斷不容其醜顏人世以汚辱清寧也臣孤介

未世性成久邀

聖鑒無論異姓朋友同年故舊不敢稍分恩怨卽臣之

伯叔兄弟亦不敢假公濟私惟其涇涇自守以致

落落寡合仰賴

皇上聖明鑒臣一點愚誠是以

優容格外又慮臣之任性多偏復時加

化導望臣爲不朽人物標名青史臣何人斯顧蒙我

皇上諄諄期望成全造就迺如此之至優至渥也臣之

志願非不欲法鄂爾泰田文鏡之居心行事公忠

體

非關才力所限乃於根本處未究明耳果肯置一身利
害於國惟是識見愚闇才力疎庸雖用已百已千之功時
至嗟乎其後嗣今惟有勉遵覺瞠乎其後庸所載雖思必明雖柔必強豈虛語哉
勉之更策駑駘務期努力效法以仰副聖懷耳所有奉到
硃批奏摺理合恭繳爲此謹
皇 奏 聖 覽 謹 啟

果能言行相符朕復何慮

雍正八年正月二十六日蘭州巡撫臣許容謹

奏爲恭繳

硃批事竊臣家人捧齎臣先後奏摺回蘭臣謹跪迎進

署伏讀

硃批諭旨訓誨精詳開導明切臣惟有恪遵

聖訓以忠誠爲根本以言行相符爲箴砭總期無負我

皇上愛且望臣至大至切之

深恩耳謹將奉到

硃批奏摺竝

硃批大學士等原議一摺一併繕摺恭繳伏惟

聖鑒謹

奏

朕雖愛汝望汝汝若不自策勵不自顧惜朕亦無可如

硃批諭旨

幸

許容

何確遵訓諭與否亦在汝自省自驗而已他人莫能爲之力也

同日又

奏爲奏明軍需事竊查西路軍需節經臣繕摺奏

聞今日下一切事宜俱已辦理將次齊全無誤其平涼

糧車原議正月二十三日頭起起程嗣經

欽差大臣查弼納等以寧先勿後改於正月十三日頭

起起程分爲五起間日一發甘涼糧車大將軍臣

岳鍾琪惟恐中途擁擠俱改於二月初六日頭起

起程統在三月內齊全出口再寧夏西寧涼州三

開辦府前經大將軍行令每府各採買羊四萬隻派撥

聖營員解送赤金湖因水凍草枯羊隻未能十分臚

壯內有寧夏鎮營員惟恐倒斃賠累不敢接收臣

於大將軍原議之外各府另派文職一員帶領雜

職一員協同營員解送并令採買加一餘羊以備

抵補一面知會大將軍一面咨商

欽差嗣准

欽差咨覆准行復令經過內地州縣支給料草飼餵保

其臚力俱經飭令遵照在案復准辦理軍需尚書

臣馬會伯咨令停買羊隻照數估撥糧石臣接准

來咨隨與查弼納等公同斟酌此項羊隻係大將軍估定進剿官兵口糧若改運糧石自內地運送大營尚易辦理但進剿之時大營有無此項富餘糧石牲口可以馱載前往馬會伯曾否咨商大將軍咨內竝未聲明恐有岐誤所關匪細一面仍飛令各該道府將前項羊隻仍照前檄辦理解送一面行令孔毓璞預備糧石轉運肅州寧使有餘毋令不足總期無誤軍需不致上廩

聖懷理合奏咨
聞謹

奏

殊不解汝具何面皮而爲此奏也若非特差部臣前往督理獨倚恃汝等陝甘大員辦集其事不知遲誤至如何光景而汝等之身家性命亦不知作何結局矣事事縈朕心曲迺云不致上廩聖懷亦可謂無恥之甚者也

雍正八年三月二十六日蘭州巡撫臣許容謹

奏爲恭繳

硃批事竊臣家人捧齋臣先後奏摺回署奉有

硃批臣敬謹跪讀訖臣庸碌無能辦理軍需未能妥協

致廩

硃批諭旨

三

許容

聖懷

欽差大臣督率料理臣慚愧無地悚懼靡寧今幸尚書
臣查弼納等仰承

訓旨調度得宜所有糧車七千輛據布政使孔毓璞稟
稱三月十九日已齊全起運出口其甘涼寧西肅
等處餵養駝隻經提鎮道府公同挑選堪以馱運
駝六千四百餘隻內三月出口駝三千九百七十
隻俱已解齊甘涼馱運赴肅四月出口駝二千四
百餘隻亦現在起發前赴甘涼裝運至採買羊一
十二萬隻於加一餘羊之外又經查弼納等飭令

甘涼西三府寬備餘羊以供挑選亦俱現在分起
陸續解送再噶斯軍需應備馬匹張廷棟等已報
採買齊全現在加意餵養至寧夏西寧應備噶斯
官兵裹帶口糧以及沿途供支草束俱經飭令地
方官備辦齊全所有現在軍需將次全竣緣由理
合奏

聞謹將奉到

硃批奏摺繕摺恭繳謹

奏

庸碌無能且置勿言但愚昧寡識全不計利害輕重朕

殊爲汝憂之此番軍需朕代爲挽將覆之微言已頽之
波救汝身家性命較自御史五年內擢至撫任之恩大
矣亟當知之封疆大吏平時不能開誠布公令屬員咸
皆感畏一遇地方有事斷不免叢脞之虞岐誤之失於
臨機應變之際又復畏難而不體國懷私而不奉公未
有不累及身家性命者此理顯而易見無如庸碌愚昧
之流懵焉莫覺目前雖幸免大譴捫心自問能無愧乎
朕於檢選人員有犯尚必倍加懲處況如許容輩過蒙
格外知遇之恩者耶嗣後當詳悉審度凡趨利遠害之
私衷避重就輕之巧念切勿更萌惟須確秉公誠向對

天無慚處踐履方可保終身安適也朕此諭意爲汝畢生之

斷案試行看

同日又

奏爲奏明事竊查雍正七年正月內固原地方拏獲
妖言匪棍馬忠一案經大將軍岳鍾琪在總督任
內提赴西安質審後拏獲馬忠妻女亦提往西安
俱經臣岳鍾琪會同副都統李士珍文榮馬
奏明在案嗣經岳鍾琪飭發西安藩臬兩司審明馬
忠卽馬建原在秦州錐鞋生理因家貧無計有秦
州畫匠張拱辰教以造作紅旗一面上寫番字復

令秦州民人何居廣開寫所往地名向伊回教騙取盤纏馬忠遂執旗沿途假稱官差稽查愚哄回民無如回教人等毫無所贈遂至原任提督馬煥家內捏造狂言希圖賺騙歷訊所供之劉文秉馬六馬倉等均屬無辜被害且伊妻女供伊出門月日情事歷歷有據畫匠張拱辰亦供無異詞督臣岳鍾琪因開單之何居廣遠在秦州未曾到案誠恐拖累無辜將一千人犯發令甘肅按察使李世倬就近拘提何居廣質訊定擬經李世倬訊明與西安所審相符而馬忠旋即病故將畫旗之張拱

辰擬徒開單之何居廣擬杖具文詳報經署督臣查郎阿查係岳鍾琪

奏明交臣就近審擬之案批令呈解臣衙門核擬臣隨提訊各犯再三研鞫供吐確鑿毫無疑竇臣查馬忠貧而無賴詐稱官司差遣圖騙錢財情甚可惡今已伏冥誅亦其扳累多人之孽報不爽至張拱辰何居廣應如司擬分別杖徒照例外結緣係從前奏

聞之案埋合將審明完結緣由繕摺

奏明謹

硃批諭旨

畫

許容

奏

此等要犯漫不經心至於瘼斃毫無引咎自責之辭而混以伏冥誅三字率意奏聞若似乎以草草結案為幸者類斯識見甚屬庸鄙何以克稱封疆之職耶

雍正八年四月初八日蘭州巡撫臣許容謹

奏為奏

聞事竊查甘屬之階州成縣西和一帶僻處深山地連巴蜀刁民抗欠錢糧歷年累積且有姦頑里甲頭人包攬侵蝕習為故常一經州縣催徵即布散謠言煽惑愚民迫令躲避一則挾官長以不得不緩

其追比再則使百姓遠去便於捏開民欠無可對質更有劣衿從中把持此風相沿已久近來臣聞西和成縣所管屯民內有遷往四川者有遷赴漢中者臣因未得實情隨密檄秦州知州魯璵前往兩縣密行查訪茲據魯璵稟稱到西和地方因自康熙六十一年以來積欠甚多今該縣王宇樂意在清釐振頓積習而包攬之頭人難以掩其侵蝕

於是出其故智揚言知縣苛刻且假以糧載丁賦於地方上不能化導刁頑致令有抗欠之舉非自愧責乃復援引向時惡習以希免過殊屬未具面目心思不州牧陳舜裔因徵比錢糧即有衿棍登山聚眾之

硃批諭旨

去

許容

知廉恥爲何物之人也
舉經前護撫鍾保

題參現在審擬此種刁風漸不可長復飛諭魯璵密
令該縣先行出示將六十一年至雍正四年舊欠
暫行緩徵其五六七等年舊欠分限完納曉諭居
民令其安業并將已去之民勸諭招復一面密行
查拏倡造謠言之頭人嚴加究治以儆刁風復令
魯璵將成縣逃民確情逐一訪查俟料理停妥再
行具

奏爲此合先奏

聞謹

奏

查郎阿亦經摺奏矣其嚴查確情以聞凡此皆由汝等
歷來精明強幹督撫能消患於未萌適姦於未發之所
致顏面喪盡朕實代汝等不勝慙慙將此諭亦令查郎
阿知之

雍正八年五月二十一日蘭州巡撫臣許容謹

奏爲請

旨事竊惟寧夏富饒甲於甘省誠以渠流暢達尺土皆
屬膏腴近者荷蒙

聖恩開濬惠農昌潤二渠添設新渠寶豐二縣金城沃

殊批諭旨

七

許容

野利用益充茲又奉

上諭命侍郎臣通智等估修

大清漢唐三渠仰見

睿照咸周

聖恩普被第臣未得身至其地不敢懸定章程正擬繕摺奏請

訓旨於七八月間赴寧閱看今通智史在甲等札商到臣以估修三渠必得地方各官公同辦理清釐積弊禁遏刁頑然後大工可以次第舉行臣思三渠爲寧民衣食之源今奉

恩旨動工修補俾邊郡黎元永享盈寧之慶臣理應與通智等協同料理以仰副

聖恩且七八月間軍需之銷算可竣秋禾之灌溉甫畢正可乘時勘估伏祈

皇上允臣所請親至寧城一則與通智等公同查勘舊渠斟酌分派地方各官使無推諉一則得以躬瞻新渠之制度招徠戶口均霑浩蕩

天恩大約往返一月有奇所有應辦事件仍可隨在料理不致貽誤爲此謹

奏

渠工現有通智等董率其事但嚴飭屬員與之同心協力毋致掣肘推諉則已七八月間正值辦理軍需之際寧可舍此而就彼耶不知審度輕重徒以奔走爲效力何其愚淺無識至於此極

雍正八年十月初十日蘭州巡撫臣許容謹

奏爲恭報甘屬收成分數仰慰

聖懷事竊查甘屬地方比年以來荷蒙

聖恩優渥黎庶富饒今歲更沐

恩膏豐沛蠲賑頻加是以民情之感戴歡欣雖僻壤鄉

隅莫不謳歌而頌禱而

天心協應翊贊

皇猷甘雨應期惠風遐暢前據寧夏府之新渠縣詳報

雙岐瑞麥臣業經繕摺奏

聞茲據各屬具報收成分數前來統計八府三州及安

靖二廳各所屬收成十分者居十之四九分者居

十之五八分者居十之一夏秋兩禾咸登大有嗣

又據寧夏寶豐夏縣呈齋瑞穀雙穗以至九穗者

聖恩各數本到臣敬謹捧閱見夫金莖秀發莖莖

萃地利之豐腴玉粒堅圓粒粒受

天和之保合祇緣從前欽奉

天諭旨是以未敢進前廷奉

獻惟是新渠寶豐荷蒙聖恩

聖恩關田濬渠授壓給種數畝年紅柳黃沙今頓成花

村麥隴至於寧夏三渠又奉

恩綸不惜帑金太興修葺務使寧民獲享萬年美利是

以上孚谷兩圖並列十

天意丕著奇祥瑞麥嘉禾疊呈竝見從此豫大豐亨之象

已兆於經營創始之時萬姓歡呼歌聲四徹臣欣

皇猶際兩恩惠風豈謝前朝

天昌期觀茲贊

上瑞惟有益加警勵敬迓

天庥以仰副

聖諭之諄諄耳所有甘省收成大稔緣由理合奏

聞為此謹

奏

甘屬收成分數覽奏已悉能翻然醒悟知愛身為害身

之道屏除利己私衷自蒙

上天鑒佑也

雍正八年十二月初二日蘭州巡撫臣許容謹

奏為奏

硃批諭旨

十

許容

聞事竊查辦運駐歇一年官兵口糧十一月十六日以前共報運出口騾車五千六百三十五輛駝二千二百八隻共運送出口粟米二萬二千五百七十四石麵七十二萬六千五十觔業經繕摺奏

聞今據肅州道齊式又續報十一月十九二十一日共起發出口車一千一百二十六輛共裝粟米四千四百七十六石炒麵三千六百四十觔運送塔爾納沁訖連前運送米麵合算共運送出口糧三萬二千六百六十三石零據孔毓璞稟稱歲內可運糧五萬石等語則所餘剩二萬石有零明春正

二月間自可運送全竣再甘省雇覓駝騾除前奏挑選騾一千七百七十五頭駝四百五十六隻外今又挑選八十一頭現在起運出口陝省雇覓之騾除前

奏十一月十六日止挑選六百五十九頭外今又據報挑選騾一千二百三十九頭亦現在起運出口又據孔毓璞稟稱

欽差內閣學士班第於十一月二十日到肅一應需用馬駝等物俱已辦齊於二十四日可以出口理合

一并奏

聞伏祈 奏

皇上睿鑒謹

奏內... 二十四日... 覽奏知道了漢儒有言正其誼不謀其利明其道不計其功然果能殫精悉力竭廢奉公不存已利害私心未有不蒙

上天神明之庇佑成全者也

雍正九年二月初五日蘭州巡撫臣許容謹
奏為恭繳
硃批奏摺事竊臣家人齋臣先後奏摺回蘭臣跪迎進

署敬謹開讀俱欽遵

硃批辦理外伏念臣本庸陋叨荷

殊恩值此軍需孔亟之時正臣子竭力圖報之日一切應行事宜敢不黽勉自勗以希寸效若稍存計較利害之私心以至瞻顧遲疑貽誤公事則獲罪於君父卽獲罪於

上天國法冥誅均難逃避臣雖下愚屢蒙

天恩多方開導當益悚然覺悟夙夜靡寧以不負我皇上始終成全之

德意所有奉到

硃批諭旨

全

許容

殊批奏摺理合恭繳伏惟

睿鑒謹

奏

深刻褊淺之疵所當切戒不得屬員感服之心將何所
憑藉以辦集繁劇事務耶謹誌勿忘莫負朕之倚任

雍正九年三月初六日蘭州巡撫臣許容謹

奏爲

聖訓指示恩深微臣感戴情切密摺恭

謝事雍正九年三月初二日接到大學士公馬爾賽

等字寄雍正九年二月二十二日奉

聖諭陝甘二省年來辦理軍需雖皆動用正項錢糧民
間無絲毫之費然輪輓糧運伺候差徭不無勞苦已
另降諭旨加恩獎勉但必得地方大吏能仰體朕心
凡應料理軍務固不可任其遷延遲緩而過於迫
急未免擾民其查核錢糧固不可聽其浮冒開銷但
過於苛刻則必致剝民督撫大員若嚴緊一分則州
縣官必於百姓加緊一倍如能寬容一分則小民卽
得一分之惠許容孔毓璞辦理西路軍需亦各盡心
竭力但許容失之細刻州縣懼其核減恐不能照價
付給則百姓不無虧折孔毓璞失之匆迫州縣懼其

催促必不敢少緩須臾則閭閻未免驚擾此皆太過之弊也爾等可密寄信去凡承辦州縣或於原限之外遲緩無多而其人之才有所可用者不妨畧寬容之其開銷物料脚運之費亦必準酌時價不可十分核減但朕之此旨不可宣示於人恐有不肖之州縣借此推諉遷延虛開浮冒其漸不可長也許容孔毓璞但時將朕旨密記於心辦理諸務自無太過之弊欽此遵旨以恩煥身必督此六六吏指此辦用必旨寄信前來臣跪讀之下俯見我朝美意不無幾苦臣皇上塵懷民隱體恤官員軍需艱苦惟臣五更幾點只

仁慈愷惻怙冒西土臣自蒙

簡任巡撫恒恐措置乖方辜負

聖恩敬繹

諭旨我

皇上之知臣實深於臣之自知而臣之得沐

造就者較之他臣爲獨多臣鄙陋之質過於拘謹細刻之失臣實有之而曾不自覺今蒙

皇上明白指示恍若夢醒自今以後當痛加改省總期下無病於官民上有裨於軍

國以勉副我

皇上諄諄教訓之至意除奉到之日卽刻鈔錄密寄孔
毓璞欽遵外理合繕摺恭謝

天恩爲此謹

奏

務須勉力符合所奏而行諸凡當相機度勢因時制宜
地方有事與無事日不同胡可膠柱鼓瑟耶大都庸常
見識安聞則易於懈弛倥偬則過於嚴急竟成通病豈
不謬哉戒之

雍正九年六月十四日蘭州巡撫臣許容謹

奏爲奏

聞事本年六月初五日臣聞副都統殷查納徵調青海
兵丁有到營無幾日卽行逃去者因採買馬駝不
善辦理又因賞銀不肯隨時給發必俟兵馬調齊
然後支散伊等心懷怨望是以不得安帖初六日
聞柴達木沿臺一路賊夷頗有試用汪茨自營回
寧於三四臺中間被竊去銀一百八十兩經歷司
徐錫亦於三臺失去馬三疋又聞滕各里安設卡
倫之噶蘭大查陵領兵五百名內有扎薩克諾爾
布率領所屬三百餘人於五月二十八日晚搶奪
馬匹敢行稱亂又侍衛席第等帶領額魯忒兵未

百名亦於是夜作變等因臣以事出非常恐有未
的正擬再行密差探聽初七日酉時接准都統德
成提督馮允中將發兵緣由知會到臣查西寧
發兵糧餉是急現在存寧米麵銀兩儘敷支用隨
卽時飛飭布政使諾穆圖西寧道楊滙作速照例
供應竝飭署布政司事趙挺元再於軍需銀內動
撥五萬兩解交西寧備用初九日戌時聞五臺功
加蘇天友被賊夷砍傷又砍傷兵丁二名拏去兵
丁三名馬匹盡被搶去搶過五臺之後隨向六臺
適有都統格梅兒摺匣竝公文二角由六臺經過

押匣功加一名兵丁二名亦被裹去又聞一臺亦
有賊人數十名將客人所馱物件竝土司運送土
夫口糧俱被搶去等語又據諾穆圖楊滙稟報五
臺馬匹被搶四臺三臺皆在緊急新派前往柴達
木援剿之兵原議行糧裹帶一月茲因軍行急迫
復改裹帶十日其餘糧餉隨後雇脚趕運等情臣
復飛飭辦理撥兵護送俾無遲誤初十日復准德
成馮允中等以臺站搶殺夷性叵測恐聚衆侵犯
內地不可不預爲防範令各提鎮將兵馬預備停
妥等因知會到臣復飛咨陝甘二提涼肅寧安

四鎮務期無誤外竊查河州逼處河曲直通西海與外夷會無藩籬之隔僅有一協額設兵丁除從前調遣竝各官親丁外現存不過六百餘名卽新設循化營額兵亦僅八百名地廣兵單誠爲可慮臣於初七日戌時卽插羽飛飭河州知州顧爾昌會同署河州協張興小心在意前於冬春之交屢據顧爾昌稟稱河民甚有懼心人人願自爲守而關堡之間舊有馬戶箭手易於團練臣爾時以西海豐端未兆毋庸紛擾抑不使行今因其勢而利導之大可爲用已將臣標舊有富餘鳥鎗飭發

百桿竝令該州勿罪民間所藏悉令輸官烙記及一切器械隨其所便但爲之董率練習扼險固圍不拂民情不費

國帑於邊防甚有裨益再德成馮允中調遣蘭臨鞏秦河州各營之兵接應西寧臣以河協未便抽減其餘各營地不臨邊自宜調用亦飛咨德成馮允中等斟酌行事現在蘭營存城之兵不滿二百又調赴西寧一百名城池倉庫不敷照管臣已嚴督本標弁兵分頭管攝并飛飭各屬凡防範地方務須同心協力勿但委之武職伏念臣至愚極陋實

不知兵幸蒙
皇上教誨多方稍開闇昧竊以有事於外宜先固其內
必內無可乘之隙而後外有可建之功當此之時
臣惟有勤宣
德意和輯民人陰爲防維陽示安靜固封守足軍儲統
率屬員同力共濟仰賴

皇上福庇俾小醜指顧就俘卽大憝亦無難殄滅耳又
本月十一日聞柴達木大營蒙古兵丁亦有變動
所有現在情形竝防範事宜合卽密摺奏
聞伏惟

睿鑒再
從前奏摺皆差標員及家人恭齋到京騎驟
延緩往回須得五十餘日今事係緊要冒昧遣發
合傳牌由驛齎送兵部轉呈

御覽嗣後除尋常奏摺外如有緊要事件可否由驛之
處并祈

指示欽遵爲此謹

奏

所奏係朕早知已辦之事汝不過得之傳聞尚未詳悉
若將此爲緊要欲請由驛馳奏朕如何批諭且理應上
聞急務竝未曾降旨不令由驛齎呈也汝等大吏於一

切防禦之策但當儘力綢繆不宜動容失色搖惑衆心
惟以安靜彈壓爲貴識之勉之

雍正九年十一月十六日蘭州巡撫臣許容謹
奏爲感激

天恩瀝誠奏覆事竊臣接到大學士張廷玉蔣廷錫字
寄雍正九年十月十五日奉

上諭朕覽許容摺奏運送米豆一事與查郎阿意見不
合許容之意竟似查郎阿有意與伊矛盾者朕令廷
臣詳查知查郎阿奏請冬天口外停運而以空閒之
驛安臺接運米豆此事尚未奉旨是以未曾知會許

容以致彼此辦理互異竝非有意與許容矛盾也朕

將許容奏摺刪截另寫發交廷議今廷議以已運過

涼之米仍照許容所奏聽州縣直運肅州其未過涼

州糧石已發腳價者暫停扣追俟將來運糧扣抵等

語朕已允行但思查郎阿居心忠厚志在急公必無

與同事之人有意矛盾之理皆許容疑心太重致生

此等猜嫌有失和衷之道不思軍需關係緊要必須

合志同心方於公務有益不負朕之委任爾等可密

傳諭與許容知之至於許容所奏查郎阿信用匪人

之處朕亦密諭查郎阿令其留心不言許容所陳也

欽此。臣跪讀之下，仰荷我留心，不言指容，而躬也。皇垂矜全，教誨感切，肺腑不覺涕零，伏念當此軍興之合際，同公忒然，公發育益不負，規之委，甘爾善，而密宵旰何等焦勞，而為臣子者，苟不能合志同心，分憂宣與力，豈但獲罪於下，而之豈昔指容，疑心太重，姓主聖主，抑且獲罪於上，查湖廣等處，心也，志也，公心無上，蒼惟具有人，心思不至此，況查郎阿入甚忠厚，臣所深汝果深知，查郎阿則查郎阿亦必深知，汝矣，然非志同道合，未易言相知之雅，汝二人尚恐弗克臻此，明訓，臣當益勵和衷，諸凡相商，辦理務於公事，有益不容負我，好地，鞭撻，且異，故非，育意，與指容，下，臣也，類

皇上委任之至意，理合瀝誠

奏覆伏惟

睿鑒謹

公不勝私安能和衷共濟人我之見，未融胸懷小哉

雍正十年三月初九日蘭州巡撫臣許容謹

命奏為奏，臣等實心奉，行不，必空言，屬奏，日，與能，之不

聞甘省現在情形仰慰

聖懷事竊臣接奉本年正月二十日內閣鈔出

上諭一道，因京師未得雨雪，畿輔及近京各省得雪亦

殊批諭旨

存

許容

上諭未普遍京師未得雨書畿輔又出京省情書在
聖心憂懼虔誠修省昭格

天心儆戒廷臣訓飭督撫

命內外大臣等實心奉行不必空言覆奏臣跪讀之下

仰見十三年三月三日

皇上敬

天勤民兢兢業業之至意為臣工者猶不惶悚省愆殫心

籌畫殆非人類臣浹月以來彌益悚惕恐有違

聖訓於是復加訪察務為預防業經遵照部文就地籌

畫備細咨覆戶部誠恐

廷臣彙奏未能詳載情形合再據實奏

聞查甘省八府三直隸州其河東四府二州慶陽階州

等處竝無河渠平涼臨洮鞏昌秦州雖山多川少

而經渭洮河之旁間有水田民擅其利其河西四

府一州不特寧夏河渠之利甲於天下無虞荒歉

卽甘州涼州西寧肅州各有山水渠流足資灌溉

不患全荒河東地方稍暖現俱播種河西地土較

寒二三月間冰融之處俱各廣種其他積雪未消

者遲至四五月播種始畢冬春各處雨雪多寡不

等而地土皆不患乾燥卽今甘涼西肅一帶日漸

陽和土潤犁鍤展施其餘各處秋麥皆已吐青春
麥皆已種植四月得雨河東之豐收可必五月得
雨河西之全收可必目前尚不望雨甘省現在地
土之情形如此再查甘省地方山坡草峪所在多
有民便牧放而沿邊一帶恒產而外尤以牧養牲
畜爲事販賣烹割皆堪度日兼之軍需之際屢蒙
皇上天恩腳價草價俱已加增雖有貧窮之民或輓運
軍需或析薪刈草咸得自食其力以資朝夕是以
人人踴躍公私交濟甘省現在百姓之情形如此
再查甘省積貯常平倉米穀麥豆等糧共存有三

萬五千餘石社倉米穀麥豆等糧共存有一十六
萬七千餘石爲數無多但查八府三州現貯歷年
徵存及各案採買米穀麥豆青稞等糧共存有七
十一萬五千餘石雖係軍國之所需亦可以濟閭
閻之緩急方今播種之際民間偶有缺乏籽種工
皇土本者臣或批令於社倉借給或社倉有限卽批令
望備於各項糧內借給統俟秋成照數還納於倉儲無
虧於民生有濟伏惟

皇上愍冒西土
至誠感名必慶豐盈萬一二麥稍歉臣自當仰體

聖主懷保小民之心不拘何項倉糧均可因時隨地或
減價平糶或按戶酌借必不致黎民乏食甘省現
在倉貯之情形如此臣欽遵

聖諭時刻修省務必實心奉行以副我
皇上諄諄訓誨之至意所有現在情形合再繕摺具

奏

聖慮伏惟

睿鑒謹

奏

甘省現在各情形嘉悅覽焉果能有備無患朕顧慮邊

氓之念少釋矣

雍正十年八月十六日蘭州巡撫臣許容謹

奏為再奏地方情形仰慰

聖懷事竊照甘省今歲四五月間雨水偶缺屢煩

聖心後因閏五月內所屬州縣間有冰雹傷禾及麥豆

生蟲之處復降

諭旨令大學士寄信臣等多方撫恤悉心籌畫我

皇上軫念邊氓固已無微不至近更

特沛恩綸將民屯番族本年應納銀糧草束槩行蠲免

恩命自天歡聲匝地臣查甘省連歲收穫俱好今年分

恩命數亦無大減目下麥豆已經登場糜穀正在收割
通計兩河收成雖蘭靖平三州縣稍覺歉薄而寧
夏可得八九十分其餘亦均有五六七分不等新
賦蠲除舊欠停比民力寬紓軍需爭辦臣自蘭赴
肅所過之處無論大小村莊不分男婦老幼莫不
焚香嵩呼共祝

萬年天子臣目擊感戴情切實為邊省慶幸合將地方

現在情形具摺奏

聞仰慰

聖懷謹

奏

覽奏甘屬收穫尚無大減民力亦不至拮据朕懷深為
欣慰

雍正十年十月十五日蘭州巡撫臣許容謹

奏為奏

聞事竊惟西陲有事深繫

宸衷特命大學士臣鄂爾泰來肅與署大將軍臣查郎

阿計議軍務臣等遵

旨齊集肅州不時相見大學士臣鄂爾泰敬體

聖心宣示

殊批諭旨

六

許

容

聖諭語語肫誠字字愷切臣等恭聆之下莫不心動神
悚其講論軍務以爲賊甚橫肆必先嚴勦而後可
以論撫備極周詳切中機要卽下吏末弁聞之無
不踴躍鼓舞儼有立可滅賊之勢至大學士臣鄂
爾泰經濟學問遠過常人而自視時若不及望人
各皆上進謙抑和平形諸詞色此臣生平所罕見
罕聞者十月十一日路過蘭城臣又得與細談凡
一切軍需地方事務無不開誠指示臣自分愚魯
毫無寸長惟視爲則做益加黽勉以仰報
聖恩於萬一耳爲此繕摺謹

奏

鄂爾泰若不如是朕豈如是信任乎洵當則而做之者
汝能實具服善之誠朕亦甚爲嘉悅

雍正十一年正月初九日蘭州巡撫臣許容謹

奏爲密奏事竊照副都御史暫署甘州提督印務二
格具奏請撥西鳳米麥倉斗三萬二千石運供本
年甘標兵丁口糧竝肅鎮應需粟米一例酌撥一
條

廷議交署督臣劉於義署撫臣史貽直及臣會議辦
理自應俟會商明確再行

撥運兵米一件係交汝等共商同辦之事須議妥會奏
奏覆何敢冒昧遽瀆但查軍需案內派撥陝省粟米
時降旨不便據啟原議運交平涼路途甚近史貽直尚
六萬京石

以民力維艱改議運送涇州則此三萬二千倉石
自不能遠涉二千四五百里直運甘州若再議接
運而甘省百姓現辦軍糧為數繁多亦實無暇兼
顧且止就甘標而論核算腳價已需銀二十萬兩
當此重兵在外糧餉煩重之時又不得不權量緩
急況甘省提鎮羅列兵馬衆多凡屬折價俱有不
敷已經加增者再為急急籌算未經加增者豈能
免於希冀若總為核算又不知需費若何矣查春

餉業已關領各營猶可支撐似應暫且照舊看夏
收如何再為因時斟酌然當此用兵之際亦不可
不加意體恤或請

敕下該管各提鎮將大小營伍悉心料理凡營中所有
除各官親下名糧俸薪而外不得絲毫乾沒其凡
此奏是候另旨飭查
有不干預兵丁之間費槩行禁絕無得濫用公帑
留有餘以補不足亦未始非接濟營伍之一端臣
本身當重任非不知仰體

聖心愛惜兵丁但慮事宜加詳慎又不得不據實密陳
為此繕摺奏

聞伏惟此辭猷奏

睿鑒謹辭具丁此誠恐風雨不洽於耕實

奏長當重計此不候

覽

雍正十一年七月十一日蘭州巡撫臣許容謹

奏為各官歸一各屬

效河神致祭已畢邊民受福無疆到處歡騰恭摺具奏

事雍正十一年四月十七日內閣奉

上諭年來陝甘二省地方仰賴

河源之神默垂護佑暘雨應時民人樂業朕心實深

感激理宜虔誠致祭以答

神貺所有應行祭祀之禮著該部速行查議具奏欽

此經禮部遵奉

諭旨查照典禮議覆

欽點內閣學士臣德新前往臣先後接准部咨所有應

備祭品專委臨洮道吳廷偉率同臨洮府知府李

綺河州知州汪元祐先期敬謹置備至六月三十

日

欽差到蘭臣以事務殷繁未敢偕往即著該道府跟隨

於七月初二日到河州至初五日抵循化營建廟

殊批諭旨

空

許容

處所遵照擇定初六吉日黎明致祭訖隨據該道

府州暨河州協副將稟稱

欽差大人由蘭起程沿途百姓以及鄉勇番回人等感

激

聖恩執香跪迎先後接踵絡繹不斷彼時循化營一帶

地方半月未雨屬望正殷初五日

欽差大人甫入公館卽陰雲四起甘霖普降歷未申酉

三時入土五寸羣歌霑足至夜半交次日初六子

時天氣晴朗

欽差大人必誠必敬黎明致祭等語臣迴環披閱仰見

我

皇上至誠感格捷於影響從此五風十雨歲歲豐登非

特民慶充盈抑且軍需有賴臣身當重任慶幸實

深感激彌切理合繕摺具

奏伏祈

睿鑒謹

奏

河源之神靈感昭著莫能思議當竭誠致敬可也

雍正十一年十一月十八日蘭州巡撫臣許容謹

奏爲瑞雪盈疇恭摺奏

硃批諭旨

奏

許容

聞事竊照甘省地方仰賴

聖主福祐連年有收今年收成更稔公私兼濟官民胥
悅更喜入冬以來瑞雪頻降所屬八府三州先後
稟報自二三四五寸至七八寸尺餘不等處處皆
有大槩充足其多種冬麥之平慶鞏秦等府尤爲
得力雖食指浩繁糧價貴賤不等而來歲又有豐
稔之象民情甚覺熨帖目擊現在情形實足仰慰
聖懷理合繕摺奏

聞謹

奏

所奏情形以手加額覽之西陲雨雪較之他省關係尤
爲緊要朕不勝代卿喜慶焉

雍正十二年三月初一日蘭州巡撫臣許容謹

奏爲

聖恩逾分臣父感悚恭摺具奏事竊臣年前十一月十
六日接到河東督臣王士俊來札敬錄

皇上硃諭臣父自臣任所回家令督臣不時存問府縣
留心優待臣跪讀之下感激涕零當卽繕摺

奏謝今於本年二月十九日接臣父手字內云自奉
恩旨之後督院存問頻至兼有餽遺司道府縣亦各送

硃批諭旨

允

許容

恩言喫食等物先後接踵公祖父母之優禮悉出
聖主之恩施宗族鄉黨爭爲傳頌惟是
推恩錫類有加無已
賜封賜福兼
賜各種服食已極人世之顯榮復
命本省大僚存問優待更屬千古之
曠典八十二歲老朽無能仰報寢食靡寧夢寐不忘家
中僅有二三蠢僕各衙門遣使到日疎畧不周亦
滋惶愧前已具呈督院代奏謝
恩乃蒙

恩賞之外更有

溫綸不但感激情切抑且承受不起務將微誠代爲陳

奏竝懇

聖恩敕停各衙門餽送稍安臣心等語臣迴環展視跼
踏難安伏念我

皇上禮遇微臣至優至渥

加恩臣父愈高愈厚臣只此赤誠仰邀

聖鑒卽捐糜頂踵亦何能酬惟有事無鉅細殫竭心力

少盡職守於萬一耳所有臣父囑臣代

奏緣由不敢壅於上

聞理合繕摺具

奏伏惟

睿鑒謹

奏

據所奏光景觀之奉行者似覺太過高年之人未免喜靜厭煩候另旨轉飭俾獲便安

雍正十二年九月十一日蘭州巡撫臣許容謹

奏爲奏

聞事據肅州道黃文煒詳據甘州府知府馮祖悅稟稱
雍正十二年七月二十八日學院按考甘州二十

九日聞高臺縣諸生具呈學院口稱高臺縣凌辱斯文不願赴考等語卑府同張掖縣再三勸諭伊等始進院考試等情查高臺縣地處邊末生監等多有充當渠甲承領採買軍需糧草等項或該縣急於催迫以致諸生具控亦未可定理合詳請俟該生考試完畢將原告生員摘提數名飭發職道親訊確情如該縣果有苛虐情弊卽行詳揭題參倘係刁玩劣生因押迫軍需採買等項妄行具控亦請懲治以儆刁風等情呈詳到臣查高臺一邑民少差繁生監與齊民一體輪流充應里甲

凡交納錢糧承辦軍需不得不向伊等催督該縣程元度不能設法催科以致若輩曉曉原難辭咎然事屬因公且平日居官尚無劣蹟於一切軍需地方頗知黽勉若因此叅處恐長刁風至該生等即使果被凌辱亦應據實呈稟何得倚恃人衆藉考挾持但始雖有不願考試之言旋即遵諭入場首犯固難竟寬脅從不便概及業經批令該道根查倡率起釁之人確訊究擬并准學臣王蘭生移咨已將文生李鴻石中玉武生秦琮李亨泰行學褫革發審在案除俟肅州道審明詳報至日酌量

完結外理合繕摺奏

聞伏惟

聖鑒謹

奏

前已有旨諭部此等刁風何可令其滋長自當確訊起釁之由從重戒飭以爲懲一儆百之道

雍正十三年正月二十九日蘭州巡撫臣許容謹

奏爲請

旨事竊照署理甘肅提督劉世明縱兵爲盜負

恩溺職欽奉

硃批諭旨

直

許容

上諭交署督臣劉於義會臣審擬臣等接准部文俱卽
欽遵知會在案近經劉於義以應在何處會審商
詢到臣臣思劉於義駐劄肅州料理出口軍需未
便他離臣雖亦有現辦軍需及地方案件尚可酌
量緩急稍爲權宜且甘涼肅一帶地方臣又可借
此查看亦屬有益自應臣赴肅會同審擬具

題爲此繕摺

奏請伏候

皇上訓示謹

奏

所請是劉世明辜恩背德情最可惡殊爲國法之所難
容會審之際其秉公嚴鞫絲毫毋得疎漏

雍正十三年三月二十六日蘭州巡撫臣許容謹

奏爲奏

聞近日雨水情形事竊照今歲遇閏節氣稍遲春種麥
豆俱在清明前後查河東四府兩州自二月二十
以後至今一月有餘陰雲時布膏澤頻施各屬報
得雨雪有三四五六七八寸不等冬麥發長春種
將畢惟平屬之固原廳州慶屬之環縣直隸秦州
階州及秦屬之秦安得雨止一二寸而固原環縣

北鄉一帶地土高阜望澤較急再河西各府州雨雪不及河東而水田居多藉資渠流其傍山高崖之旱地因缺雨雪播種維艱惟望旬日之內普降甘霖未種者尚可及時趕種至現辦軍需河東即日可竣河西正在停忙百姓盡力南畝糧價日就減落理合繕摺奏

聞謹

奏

汝誠念切民依則自蒙

上天感應可望如期得雨也

雍正十三年閏四月初七日蘭州巡撫臣許容謹
奏為奏

聞事竊臣自蘭赴肅歷河西涼甘肅各屬留心察看一切糧價錢價以及各項物價日就平減兵民安堵緣雨少風多山坡旱地望澤頗殷而平番縣城南及與平番接壤之碾伯西寧近日稟報尤為亢旱再河東各府州內前

奏缺雨之平屬固原廳州慶屬環縣直隸秦階二州及秦屬之秦安縣三月二十二三及二十五等日已報各得透雨至交四月以後北路平屬隆德以

東至慶陽府屬南路鞏昌以及秦階各府州大槩
雨水不缺田禾滋長茂盛惟北路平屬靜寧以西
及鞏屬會寧安定臨屬狄道河州蘭州金縣一帶
據署布政司楊應琚稟稱將近一月未雨土脈乾
燥禾苗發長維艱現在虔誠祈禱等語伏思時當
夏令正在喫緊幸今年遇閏節氣稍遲旬日之內
普降甘霖尚無妨礙所有現在情形理合奏

聞謹

奏

雨澤愆期蓋必有由省心體察刑政方可冀

天心轉移之效

雍正十三年五月初九日蘭州巡撫臣許容謹
奏為甘雨連降恭摺奏

聞事竊照蘭州附近州縣得雨情形臣於前月業經
奏報在案其前奏未據報到河東河西各屬水旱田
地俱已得雨露足再三十日戌時起至初一日酉
時止蘭州又得大雨一晝夜淋漓透徹初二三四
五等日亦復雷雨時作處處霑濡在地禾苗勃然
長發未種晚田皆已趕種雖夏收不能全豐而秋
成俱有可望至會寧固原環縣百姓正在陸續回

籍民氣舒暢地方寧帖理合繕摺具

奏伏惟

聖鑒謹

奏

覽奏河東河西所屬地方甘雨連降情形朕懷曷勝欣

慰

雍正十三年六月二十六日蘭州巡撫臣許容謹

奏為據詳請

旨事竊照臨洮府丁憂知府李綺虧空軍需銀七千三百餘兩一案奉

諭旨確查情由據實陳奏並隨即行令司道會同查訊嗣因李綺以抱病不能來蘭回覆迨因公赴肅事竣回蘭據李綺之子李承震呈稱已在原籍湊到銀三千兩并開出借幫各員具呈到臣臣又批令作速檄調李綺詢明呈報去後今據署布政司楊應琚按察司齊式臨洮道吳廷偉詳稱遵即會調李綺到蘭訊據稟開綺於雍正八年在河西大軍需案內製辦鞍屐修補糧車以及買換挑退騾頭雇募夫役共賠墊銀五千七百餘兩又與原任臨洮道李元分辦皮手套解送大營綺獨自賠墊

銀六千五百五十兩又雍正十年春間賑濟狄道
縣無業窮民捐銀四百五十餘兩又因洮河水發
衝壞河橋賠墊修補船隻銀八十餘兩又雍正十
二年春月因西安長運糧車多走僻路修理車道
用過銀四百八十兩以上共賠銀五千五百六十
兩至於幫借之說如原署金縣楊駟劉元藻汪莖
王者弼以及原任蘭州廳梁德隆俱屬辦理軍需
之際因公那借旋即離任又如署岷州丁祐吉從
前在蘭押運軍糧盤費短少亦有借項再原任四
川巡撫王景灝係綺舊日上司日擊其在蘭窮若

亦荷零星幫借再如湖北藩司李世倬雖有傳言
實無借項惟去年李世倬赴楚之後家眷起身力
量不及綺適在省著家人代雇騾數頭約用銀一
百兩李世倬竝不知道今屢蒙駁詰如果實有其
事伊係現任藩司著追甚易綺豈肯不行開出以
抵那項反代李世倬捏飾之理以上除綺辦公賠
墊銀五千五百餘兩其借墊各項除去已還尚有
一千八百餘兩此綺虧空七千三百餘兩之原由
也查前各借項內如汪莖借用之三百兩王者弼
未還之二百七十兩丁祐吉未還之一百兩尚係

赴部另補及現任之員應請著追至代雇騾頭一項李世倬實在不知無憑著追其餘如原任臨洮道李元等俱係革職窮員猝難追還綺情願代賠不敢久懸
帑項除今現交銀三千兩并應追銀六百七十兩外尚不敷銀三千六百餘兩綺自計原籍田房數處若准開抵儘足完補但綺羈身邊地呼應不靈仰懇據情轉請勒限半年暫令綺回籍覓售一得賣價仍親身解甘以清各款庶微末小臣不致曠稽皇恩等情據詳到臣查李綺所開軍需賠墊及各員

借幫與臣訪查數目雖其中亦有不同之處而多寡究不甚相遠惟李世倬一千六百兩止稱代為雇覓騾頭用銀一百兩大相懸殊難以憑信復令司道多方開導再四駁詰又經傳至臣署當面詢問堅稱人言雖有實無其事惟求速為

奏請以便及時料理完補情詞甚是迫切難以再為推求除將湊到銀三千兩飭司查收并將汪莢王者弼丁祐吉各名下應追銀六百七十兩作速照奏追外其餘未完銀三千六百餘兩應否如其所請勒限半年准令回籍變補之處臣未敢冒昧具

題爲此繕摺恭令回諭變蘇之數引未煩昌報具
奏請伏惟翁未宗雖三千六百鎊兩惠否曠其魚龍
皇上訓示謹無吉谷谷不惠數雖六百十兩計數照
李綺一事前旨甚明毋必令趨蘭珪案殊屬膠執其所
虧銀兩既有田房堪抵但當速遣回籍折變完補亦何
須勒限逼促且汝於不關軍需庶務由塘報中附奏者
頗多獨將此奏差人齎呈以致耽延時日是何意似
此襟懷狹隘豈具有包括封疆之量耶朕實代汝恥之

昔常與引請查據目錄其中亦有不

歸

